

楞伽阿跋多羅寶經卷第一

此

宋天竺三藏求那跋陀羅譯

一切佛語心品第一之一

如是我聞一時佛住南海濱楞伽山頂種種寶華以為莊嚴與大比丘僧及大菩薩眾俱從彼種種異佛剎來是諸菩薩摩訶薩無量三昧自在之力神通遊戲大慧菩薩摩訶薩而為上首一切諸佛手灌其頂自心現境界善解其義種種眾生生種種心色無量度門隨類普現於五法自性識二種元我究竟通達今時大慧菩薩與摩帝菩薩俱遊一切諸佛剎土承佛神力從坐而起偏袒右肩右膝著地合掌恭敬以偈讚曰

世間難生滅猶如虛空花 智不得有元而興大悲心 一切法如幻 遠離於心識智不得有無 而興大悲心 遠離於斷常世間恒如夢 智不得有元 而興大悲心知人法無我 煩惱及芥炎 常清淨元相而興大悲心 一切無涅槃 元有涅槃佛無有佛涅槃 遠離覺所覺 若有若無有

楞伽阿跋多羅寶經卷第一 第二疏 此 自無
是二悲俱難 牟尼寂靜觀 是則遠離生是名為不取 今世後世淨

今時大慧菩薩偈讚佛已自說姓名我名為大慧 通達於大乘 今以百八義仰諮尊中上世間解之士 聞彼所說偈觀察一切眾 告諸佛子言 汝等諸佛子今皆恣所問 我當為汝說 自覺之境界今時大慧菩薩摩訶薩承佛所聽頂禮佛足合掌恭敬以偈問曰

云何淨其念 云何念增長 云何見癡惑云何惑增長 何故剎土化 相及諸外道云何無受欲 何故名無受 何故名佛子解脫至何所 誰縛誰解脫 何等禪境界云何有三乘 唯願為解說 緣起何所生云何作所作 云何俱異說 云何為增長云何元色定 及以滅正受 云何為想滅何因從定覺 云何所作生 進去及持身云何現分別 云何生諸地 破三有者誰何處身云何 往生何所至 云何取勝子何因得神通 及自在三昧 云何三昧心取勝為我說 云何名為藏 云何意及識云何生與滅 云何見已還 云何為種姓非種及心量 云何建立相 及與非我義

楞伽阿跋多羅寶經卷第一 第三疏 此
云何元眾生 云何世俗說 云何為斷見及常見不生 云何佛外道 其相不相違云何當來世 種種諸異部 云何空 何因云何剎那壞 云何胎藏生 云何世不動何因如幻夢 及捷聞婆城 世間熱時炎及與水月光 何因說覺支 及與菩提分云何國土乱 云何作有見 云何不生滅世如虛空花 云何覺世間 云何說離字離妄想者誰 云何虛空僻 如實有幾種業波羅蜜心 何因度諸地 誰至无所受何等二元我 云何今炎淨 諸智有幾種樂戒眾生性 誰生諸實性 摩尼真珠等誰生諸語言 眾生種種性 明處及伎術誰之所顯示 伽陀有幾種 長頌及短頌成為有幾種 云何名為論 云何生飲食及生諸受欲 云何名為王 轉輪及小王云何守護國 諸天有幾種 云何名為地星宿及日月 解脫修行者 是各有幾種弟子有幾種 云何阿闍梨 佛復有幾種復有幾種生 魔及諸異學 彼各有幾種自性及與心 彼復各幾種 云何施設量唯願取勝說 云何空風雲 云何念聰明云何為林樹 云何為蔓草 云何象馬鹿

◇高麗大藏經◇

楞伽阿毘達磨經第一 卷四 終

云何而捕取 云何為卑陋 何因而卑陋
云何六師攝 云何一關提 男女及不男
斯皆云何生 云何修行退 云何修行生
憍師以何法 建立何等入 衆生主諸趣
何相何像類 云何為財富 何因致財富
云何為擇種 何因有擇種 云何甘遊種
无上尊願說 云何長苦仙 彼云何教授
如來云何於一切時刹現 種種名色類
取勝子圍繞 云何不食肉 云何制斷肉
食肉諸種類 何因故食肉 云何日月不
湏弥及蓮花 師子勝相制 側住覆世界
如目陀羅網 或悉諸珍寶 瑩瑩細腰鼓
狀種種諸花 或離日月光 如是等元量
云何為化佛 云何報生佛 云何如如佛
云何智慧佛 云何於欲界 不成等正覺
何故色究竟 離欲得菩提 善逝般涅槃
誰當持正法 天師住久如 正法幾時住
悉檀及與見 各復有幾種 毗尼比丘分
云何何因緣 彼諸取勝子 緣覺及聲聞
何因百變易 云何百無受 云何世俗通
云何出世間 云何為七地 唯願為演說
僧伽有幾種 云何為壞僧 云何醫方論
是復何因緣 何故大牟尼 唱說如是言

楞伽阿毘達磨經第一 卷五 終

迦葉拘留孫 拘留舍是我 何故說斷常
及與我無我 何不一切時 演說真實義
而復為衆生 分別說心量 何因男女林
訶梨阿摩勒 難羅及鐵圍 金剛等諸山
無量寶莊嚴 仙闍婆充滿 元上世間解
聞彼所說得 大乘諸度門 諸佛心第一
我今當次第 如汝所問說 生及與不生
涅槃空剎那 趣至無自性 佛諸波羅蜜
佛子與聲聞 緣覺諸外道 及與元色行
如是種種事 須弥巨海山 洲渚刹土地
星宿及日月 外道天修羅 解脫自在通
力憍三摩提 滅及如意足 覺支及道品
諸禪定元量 諸陰身往來 正受滅盡定
三昧起心說 心意及與識 無我法有五
自性想所想 及與現二見 乘及諸種性
金銀摩尼等 一關提大種 荒亂及一佛
智介焰得向 衆生有元有 象馬諸禽獸
云何而捕取 辟因成悉檀 及與作所作
鬱林迷惑通 心量不現有 諸地不相至
百變百無受 醫方工巧論 伎術諸明處
諸山須弥地 巨海日月量 下中上衆生
身各幾微塵 一一刹幾塵 弓弓數有幾

楞伽阿毘達磨經第一 卷六 終

肘步拘樓舍 半由延由延 衆生念塵埃
羊毛麋麋塵 鉢他然迦支 阿羅越支氣
獨龍那住氣 勒叉及摩利 乃至頭婆羅
是各有幾數 為有幾阿菟 名舍梨沙婆
梨舍梨沙婆 名為一類提 衆類提摩沙
為摩沙陀那 衆摩沙陀那 名為陀那羅
復幾陀那羅 為迦梨沙那
衆迦梨沙那 為成一波羅 此等積聚相
衆波羅那樓 是等所應請 何須問餘事
聲聞辟支佛 佛及寂勝子 身各有幾數
何故不問此 火焰衆阿菟 風阿菟復幾
根根衆阿菟 毛孔眉毛幾 護財自在王
轉輪聖帝王 云何王守護 云何為解脫
廣說及句說 如汝之所問 衆生種種欲
種種諸飲食 云何男女林 金剛堅固山
云何如幻夢 野鹿渴愛僻 云何山天仙
捷闍婆莊嚴 解脫至何所 誰縛誰解脫
云何憍境界 變化及外道 云何無因作
云何有因作 有因無因作 及非有元因
云何現已滅 云何淨諸覺 云何諸覺轉
及轉諸所作 云何斷諸想 云何三昧起
破三有者誰 何處為何身 云何无衆生
而說有吾我 云何世俗說 唯願廣分別

所問相去何 及所問非我 云何為胎藏
 及種種異身 云何斷常見 云何心得定
 言說及諸智 戒種性佛子 云何成及論
 云何師弟子 種種諸衆生 斯等復云何
 云何為飲食 聰明廣施設 云何樹葛藤
 寂勝子所問 云何種種刹 仙人長苦行
 云何為族姓 從何師受學 云何為醜陋
 云何人修行 欲界何不覺 阿迦膩吒成
 云何俗神通 云何為比丘 云何為化佛
 云何為報佛 云何為如如 平等智悲憐
 云何為衆僧 佛子如是問 梵寶腰鼓花
 刹主難光明 心地者有七 所問皆如實
 此及餘果多 佛子所應問 一一相相應
 速離諸見過 悉檀難言說 我今當顯示
 次第建立句 佛子善諦聽 此上百八句
 如諸佛所說
 不生句生句常句無常句相句無相
 句住異句非住異句剎那句非剎那
 句自性句離自性句空句不空句斷
 句不斷句邊句非邊句中句非中句
 常句非常句 凡有五等此常竟 緣句非緣
 句因句非因句煩惱句非煩惱句愛
 句非愛句方便句非方便句巧句非

巧句淨句非淨句成句非成句辟句
 非辟句弟子句非弟子句師句非師
 句種性句非種性句三乘句非三乘
 句所有句无所有句願句非願句三
 輪句非三輪句相句非相句有品句
 非有品句俱句非俱句緣自聖智現
 法樂句非現法樂句剎土句非剎土
 句阿菟句非阿菟句水句非水句弓
 句非弓句實句非實句數句非數句
此物之數句非數句 明句非明句
 虛空句非虛空句雲句非雲句工巧
 伎術明處句非明處句風句非風句
 地句非地句心句非心句施設句非
 施設句自性句非自性句陰句非陰
 句衆生句非衆生句慧句非慧句涅
 槃句非涅槃句余焰句非余焰句外
 道句非外道句荒亂句非荒亂句幻
 句非幻句夢句非夢句焰句非焰句
 像句非像句輪句非輪句捷闌婆句
 非捷闌婆句天句非天句飲食句非
 飲食句煙欲句非煙欲句見句非見
 句波羅蜜句非波羅蜜句戒句非戒
 句日月星宿句非日月星宿句諍句

非諍句果句非果句滅起句非滅起
 句治句非治句相句非相句支句非
 支句巧明處句非巧明處句禪句非
 禪句迷句非迷句現句非現句謨句
 非謨句族句非族句仙句非仙句王
 句非王句攝受句非攝受句實句非
 實句記句非記句一闍提句非一闍
 提句女男不男句非女男不男句味
 句非味句事句非事句身句非身句
 覺句非覺句動句非動句根句非根
 句有為句非有為句无為句非無為
 句因果句非因果句色究竟句非色
 究竟句節句非節句鬱樹藤句非鬱
 樹藤句諍句非諍句說句非說句毗
 尼句非毗尼句比丘句非比丘句處
 句非處句字句非字句大慧是百八句
 先佛所說汝及諸菩薩摩訶薩應當
 修學
 尔時大慧菩薩摩訶薩復白佛言世
 尊諸識有幾種生住滅佛告大慧諸
 識有二種生住滅非思量所知諸識
 有二種生謂流注生及相生有二種
 住謂流注住及相住有二種滅謂流

楞伽經卷第一 第三十

注滅及相滅諸識有三種相謂轉相
業相真相大慧略說有三種識廣說
有八相何等為三謂真識現識及分
別事識大慧辟如明鏡持諸色像現
識處現亦復如是大慧現識及分別
事識此二壞不壞相展轉因大慧不
思議薰及不思議變是現識因大慧
取種種塵及无始妄想薰是分別事
識因大慧若覆彼真識種種不實諸
虛妄滅則一切根識滅大慧是名相
滅大慧相續滅者相續所因滅則相
續滅所從滅及所緣滅則相續滅大
慧所以者何是其所依故依者謂无
始妄想薰緣者謂自心見等識境妄
想大慧辟如泥團微塵非異非不異
金莊嚴具亦復如是大慧若泥團微
塵異者非彼所成而實彼成是故不
異若不異者則泥團微塵應無分別
如是大慧轉識藏識真相若異者藏
識非因若不異者轉識滅藏識亦應
滅而自真相實不滅是故大慧非自
真相識滅但業相滅若自真相滅者
藏識則滅大慧藏識滅者不異外道

楞伽經卷第一 第三十一

斷見論議大慧彼諸外道作如是論
謂攝受境界滅識流注亦滅若識流
注滅者无始流注應斷大慧外道說
流注生因非眼識色明集會而生更
有異因大慧彼因者說言若勝妙若
士夫若自在若時若微塵
復次大慧有七種性自性所謂集性
自性自性自性相性自性大種性自性
因性自性緣性自性成性自性復次
大慧有七種第一義所謂心境界意
境界智境界見境界起二見境界起
子地境界如來自到境界大慧此是
過去未來現在諸如未應供等正覺
性自性第一義心自性如來大智大覺
性自性以性自性第一義心成就如來
世間出世間出世間上上法聖慧眼
入自共相建立如所建立不與外道
論惡見共大慧云何外道論惡見共
所謂自境界妄想見不覺識自心所
現分齊不通大慧愚癡凡夫性无性
自性第一義作二見論復次大慧妄
想三有苦滅無知愛業緣滅自心所
現幻境隨見今當說大慧若有沙門

楞伽經卷第一 第三十二

婆羅門欲令無種有種因果現及事
時住緣陰界入生住或言生已滅大
慧彼若相續若事若生若有若涅槃
若道若業若果若諦破壞斷滅論所
以者何以此現前不可得及見始非
分故大慧辟如破瓶不作瓶事亦如
燋種不作牙事如是大慧若陰界入
性已滅今滅當滅自心妄想見无因
故彼無次第生大慧若復說無種有
種識三緣合生者龜應生毛沙應出
油汝宗則壞遠決定義有種无種說
有如是過所作事業悲空無義大慧
彼諸外道說有三緣合生者所作方
便因果自相過去未來現在有種無
種相從本已來成事相承覺想地轉
自見過習氣作如是說如是大慧愚
癡凡夫愚見所害邪曲迷醉无智妄
稱一切智說大慧若復諸餘沙門婆
羅門見離自性浮雲火輪捷闍婆城
無生幻焰水月及夢内外心現妄想
无始虛偽不離自心妄想因緣滅盡
離妄想說所說觀所觀受用建立身
之藏識於識境界攝受及攝受者不

相應無所有境界離生住滅自心起
隨入分別大慧彼菩薩不久當得生
死涅槃平等大悲巧方便無開發方
便大慧彼一切眾生界皆悉如幻不
勤因緣遠離內外境界心外無所見
次第隨入無相處次第隨入從地至
地三昧境界解三界如幻分別觀察
當得如幻三昧度自心現無所有得
住般若波羅蜜捨離彼生所作方便
金剛喻三摩提隨入如來身隨入如
如化神通自在慈悲方便具足莊嚴
等入一切佛剎外道入處離心意意
識是菩薩漸次轉身得如來身大慧
是故欲得如來隨入身者當遠離陰
界入心因緣所作方便生住滅妄想
虛偽唯心直進觀察无始虛偽過妄
想習氣因三有思惟無所有佛地無
生到自覺聖趣自心自在到無開發
行如隨眾色庫丘隨入眾生微細之
心而以化身隨心量度諸地漸次相
續建立是故大慧自悲種善應當修
學尔時大慧菩薩復自佛言世尊所
說心意意識五法自性相一切諸佛

菩薩所行自心見等所緣境界不和
合顯示一切說或真實相一切佛語
心為楞伽國摩羅耶山海中住處諸大
菩薩說如來所歎海深廣識境界法
身尔時世尊告大慧菩薩言四因緣
故眼識轉何等為四謂自心現攝受
不覺无始虛偽過色習氣計著識性
自性欲見種種色相大慧是名四種
因緣水流廣識轉識浪生大慧如
眼識一切諸根微塵毛孔俱生隨水
境界生亦復如是譬如明鏡現眾色
像大慧猶如狂風吹大海水外境界
風飄蕩心海識浪不斷因所作相異
不異合業生相深入計著不能了知
色等自性故五識身轉大慧即彼五
識身俱因差別分段相知當知是意
識因彼身轉彼不作是念我展轉相
因自心現妄想計著轉而彼各各境
相俱轉分別境界分段差別謂彼轉
如修行者入禪三昧微細習氣轉而
不覺知而作是念識滅然後入禪正
受實不識滅而入正受以習氣種子
不滅故不滅以境界攝攝不具故

滅大慧如是微細識究竟邊際除
諸如來及住地菩薩諸聲聞緣覺外
道修行所得三昧智慧之力一切不
能測量決了餘地相智慧巧便分別
次第句義寂勝无邊善根成熟離自
心現妄想虛偽宴坐山林下中上修
能見自心妄想沉注無量剎土諸佛
灌頂得自在力神通三昧諸善知識
佛子眷屬彼心意意識自心現自
性境界虛妄之想生死有海業受元
知如是等因患以超度是故大慧諸
修行者應當親近寂勝知識尔時世
尊欲重宣此義而說偈言

譬如巨海浪斯由猛風起 洪波鼓冥壑
无有斷絕時 藏識海常住 境界風所動
種種諸識浪 騰躍而轉生 青赤種種色
珂乳及石蜜 淡味眾花果 日月與光明
非異非不異 海水起波浪 七識亦如是
心俱和合生 譬如海水變種種波浪轉
七識亦如是 心俱和合生 謂彼藏識
種種諸識轉 謂以彼意識 思惟諸相義
不壞相有八 無相亦無相 譬如海波浪
是則无差別 諸識心如是 異亦不可得

楞伽阿跋多羅寶經 第十六卷 此
心名採集業 實名廣採集 諸識識所識

現等境說五

今時大慧菩薩復說偈言

青赤諸色像 衆生發諸識 如浪種種法

云何唯願說

今時世尊以偈答曰

青赤諸雜色 波浪悉無有 採集業說心

開悟諸凡夫 彼衆悉无有 自心所攝離

所攝無所攝 與彼波浪同 受用建立身

是衆生現識 於彼現諸業 辟如水波浪

今時大慧菩薩復說偈言

大海波浪性 鼓躍可分別 歲與業如是

何故不覺知

今時世尊以偈答曰

凡夫無智慧 歲識如巨海 業相猶波浪

依彼辟類道

今時大慧菩薩復說偈言

日出光等照 下中上衆生 如來照世間

為愚說真實 已分部諸法 何故不說實

今時世尊以偈答曰

若說真實者 彼心無真實 譬如海波浪

鏡中像及夢 一切俱時現 心境界亦然

楞伽阿跋多羅寶經 第十七卷 此
意者意謂然 五則以顯現 无有定次第

辟如工畫師 及與畫弟子 布彩圖衆形

我說亦如是 彩色本无文 非筆亦非素

為悅衆生故 綺錯續衆像 言說別施行

真實離名字 分別應初業 修行示真實

真實自悟處 覺想所覺離 此為佛子說

愚者廣分別 種種皆如幻 雖現无真實

如是種種說 隨事別施設 所說非所應

於彼為非說 彼彼諸病人 良醫隨處方

如來為衆生 隨心應量說 妄想非境界

聲聞亦非分 哀愍者所說 自覺之境界

復次大慧若菩薩摩訶薩欲知自心現

量攝受及攝受者 妄想境界當離群

聚習俗睡眠初中後夜常自覺悟修

行方便當離惡見經論言說及諸聲

聞緣覺乘相當通達自心現妄想之相

復次大慧菩薩摩訶薩建立智慧相

住已於上聖智三相當勤修學何等

為聖智三相當勤修學所謂无所有

相一切諸佛自願處相自覺聖智究

竟之相修行得此已能捨跋驢心慧

智相得取勝子第八之地則於彼上

楞伽阿跋多羅寶經 第十八卷 此
緣覺及外道相彼修習生大慧自願

處相者謂諸先佛自願處修生大慧

自覺聖智究竟相者一切法相無所

計著得如幻三昧身諸佛地處進運

行生大慧是名聖智三相若成就此

聖智三相者能到自覺聖智境界是

故大慧聖智三相當勤修學今時大

慧菩薩摩訶薩知大菩薩衆心之所

念名聖智事分別自性經承一切佛

威神之力而自佛言世尊唯願為說

聖智事分別自性經百八句分別所

依如來應供等正覺依此分別說菩

薩摩訶薩入自相共相妄想自性以

分別說妄想自性故則能善知周遍

觀察人法無我淨除妄想照明諸地

超越一切聲聞緣覺及諸外道諸禪

定樂觀察如來不可思議所行境界

畢定捨離五法自性諸佛如來法身

智慧善自在嚴超幻境界昇一切佛

剎梵率天宮乃至色究竟天宮速得

如來常住法身佛告大慧有一種外

道作無所有妄想計著覺知因盡无

大慧復有餘外道見種求都極微陀
羅驛形處橫法各各差別見已計著
無見角橫法作牛有角想大慧彼墮
二見不解心量自心境界妄想增長
身受用建立妄想限量大慧一切法
性亦復如是離有元不應作想大慧
若復離有無而作元角想是名邪
想彼因待觀故免無角不應作想乃
至微塵分別事性悉不可得大慧聖
境界離不應作牛有角想亦時大慧
菩薩摩訶薩白佛言世尊得元妄想
者見不生想已隨比思量觀察不生
妄想言無耶佛告大慧非觀察不生
妄想言無所以者何妄想者因彼生
故依彼角生妄想以依角生妄想是
故言依因故離異不異故非觀察不
生妄想言無角大慧若復妄想異角
者則不曰角生若不異者則因彼故
乃至微塵分排推求悉不可得不異
角故彼亦非性二俱無性者何法何
故而言無耶大慧若元故無角觀有
故言免元角者不應作想大慧不正
因故而說有元二俱不成大慧復有

餘外道見計著色空事示處橫法不
能善知虛空分齊言色離虛空起分
齊見妄想大慧虛空是色隨入色種
大慧色是虛空持所持處所建立性
色空事分別當知大慧四大種生時
自相各別亦不住虛空非彼元虛空
如是大慧觀牛有角故免無角大慧
又牛角者排為微塵又分別微塵剎
那不住彼何所觀故而言元耶若言
觀餘物者彼法亦然
今時世尊告大慧菩薩摩訶薩言當
離免角牛角虛空示色異元妄想汝
等諸菩薩摩訶薩當思惟自心現妄
想隨入為一切剎土寂勝子以自心
現方便而教授之今時世尊欲重宣
此義而說偈言
色等及心無 色等長養心 身受用安立
識藏現泉生 心意及與識 自性法有三
元我二種淨 廣說者所說 長短有元等
展轉互相生 以無故成有 以有故成無
微塵分別事 不起色妄想 心量安元處
惡見所不樂 覺慧非境界 聲聞亦復然
救世之所說 自覺之境也

今時大慧菩薩為淨自心現流故復請
如來白佛言世尊云何淨除一切眾
生自心現流為顯為漸耶佛告大慧
漸淨非顯如菴羅果漸熟非顯如來
淨除一切眾生自心現流亦復如是
漸淨非顯如陶家造作諸器漸成
非顯如來淨除一切眾生自心現流亦
復如是漸淨非顯如大地漸生万
物非顯生也如來淨除一切眾生自
心現流亦復如是漸淨非顯如人
學音樂書畫種種伎術漸成非顯如
米淨除一切眾生自心現流亦復如
是漸淨非顯如明鏡顯現一切無
相色像如來淨除一切眾生自心現
流亦復如是顯現無相无有所有清
淨境界如日月輪顯現一切色像
如來為離自心現習氣過患眾生亦
復如是顯為顯示不思議智寂勝境
界辟如藏識顯分別知自心現及身
安立受用境界彼諸依佛亦復如是
修行者安處於彼色究竟天辟如法
佛所作依佛光明照耀自覺聖趣亦

復如是彼於法相有性无性惡見妄想照令除滅大慧法依佛說一切法入自相共相自心現習氣因相續妄想自性計者因種種元實幻種種計者不可得復次大慧計著緣起自性生妄想自性相大慧如工幻師依草木瓦石作種種幻起一切衆生若于形色起種種妄想彼諸妄想亦无真實如是大慧依緣起自性起妄想自性種種妄想心種種想行事妄想相計著習氣妄想大慧是為妄想自性相生大慧是名依佛說法大慧法佛者離心自性相自覺聖所緣境界建立施作大慧化佛者說戒忍精進禪定及心智慧離陰界入解脫識相分別觀察建立超外道見元色見大慧又法佛者離攀緣所緣離一切所作根量相滅非諸凡夫聲聞緣覺外道計著我相所著境界自覺聖究竟差別相建立是故大慧自覺聖差別相當勤修學自心現見應當除滅復次大慧有二種聲聞乘通分別相謂得自覺聖差別相及性妄想自性計著相

云何得自覺聖差別相聲聞謂无常苦空無我境界真諦離欲寂滅息陰界入自共相外不壞相如實知心得寂止心寂止已禪定解脫三昧道果正受解脫不離習氣不思議變易死得自覺聖樂住聲聞是名得自覺聖差別相聲聞大慧得自覺聖差別樂住菩薩摩訶薩非滅門樂正受樂所應衆生及本願不作證大慧是名聲聞得自覺聖差別相樂菩薩摩訶薩於彼得自覺聖差別相樂不應修學大慧云何性妄想自性計著相聲聞所謂大種青黃赤白堅濕煖動非作生自相共相先勝善說見已於彼起自性妄想菩薩摩訶薩於彼應知應捨隨入法無我想滅人無我相見漸次諸地相續建立是名諸聲聞性妄想自性計著相今時大慧菩薩摩訶薩自佛言世尊世尊所說常及不思議自覺聖趣境界及第一義境界世尊非諸外道所說常不思議回緣耶佛告大慧非諸外道回緣得常不思議所以昔何諸外道常不思議不因

自相成若常不思議不因自相成者何因顯現常不思議復次大慧不思議若因自相成者彼則應常由作者因相故常不思議不成大慧我第一義常不思議第一義因相成離性非性得自覺相故有相第一義智因故有自離性非性故譬如無作虛空涅槃滅盡故常如是大慧不同外道常不思議論如是大慧此常不思議諸如來自覺聖智所得是故常不思議自覺聖智所得應得修學復次大慧外道常不思議无常性異相回故非自作自相力故常復次大慧諸外道常不思議於所作性非性无常見已思量計常大慧我亦以如是因緣所作者性非性无常見已自覺聖境界說彼常無目大慧若復諸外道因相成常不思議因自相性非性同於兔角此常不思議但言說妄想諸外道輩有如是過所以者何謂但言說妄想同於兔角自因相非分大慧我常不思議因自覺得相故

離所作性非性故常非外性非性無常思量計常大慧若復外性非性無常思量計常不思議常而彼不知常不思議自因之相去得自覺聖智境界相遠彼不應說

復次大慧諸聲聞畏生死妄想苦而求涅槃不知生死涅槃老別一切性妄想非性未來諸根境界休息作涅槃想非自覺聖智趣藏識轉是故凡愚說有三乘說心量趣无所有是故大慧彼不知過去未來現在諸如來自心現境界計著外心現境界生元輪常轉

復次大慧一切法不生是過去未來現在諸如來所說所以者何謂自心現性非性離有非有生故大慧一切性不生一切法如兔馬等角愚癡凡夫不實妄想自性妄想故大慧一切法不生自覺聖智趣境界者一切性自性相不生非彼愚夫妄想二境界自性身財建立趣自性相大慧藏識攝所攝相轉愚夫墮生住滅二見佛望一切性生有非有妄想生非賢聖

也大慧於彼應當修學

復次大慧有五元間種性云何為五謂聲聞乘無間種性緣覺乘元間種性如來乘元間種性不定種性各別種性云何知聲聞乘無間種性若聞說得陰界入自共相斷知時舉身毛孔照怡欣悅及樂修相知不修緣起發悟之相是名聲聞乘元間種性聲聞無間見第八地起煩惱斷習氣煩惱不斷不度不思議變易死度分段死正師子吼我生已盡梵行已立不受後有如實知修習人无我乃至得般涅槃覺大慧各別元間者我人眾生壽命長養士夫彼諸眾生作如是覺求般涅槃復有異外道說悉由作者見一切性已言此是般涅槃作如是覺法无我見非分彼無解脫大慧此諸聲聞乘元間外道種性不出出覺為轉彼愚見故應當修學
大慧緣覺乘無間種性者若聞說各別緣無間舉身毛豎悲泣流淚不相近緣所有不著種種自身種種神通若離若合種種變化聞說是時其心

隨入若知彼緣覺乘元間種性已隨順為說緣覺之乘是名緣覺乘元間種性相大慧彼如來乘無間種性有四種謂自性法無間種性離自相法元間種性得自覺聖無間種性外剎殊勝無間種性大慧若聞此四事一說時及說自心現身財建立不思議境界時心不驚怖者是名如來乘無間種性相

大慧不定種性者謂說彼三種時隨說而入隨彼而成大慧此是初治地者謂種性建立為起入無所有地故作是建立彼自覺藏者自煩惱習淨見法無我得三昧樂住聲聞當得如來寂勝之身今時世尊欲重宣此義說偈言
須陀那果 往來及不還 遠得阿羅漢 是等心惑亂 三乘與一乘 非乘我所說 愚夫少智慧 諸聖遠離寂 第一義法門 遠離於二教 住於无所有 何建立三乘 諸禪無量等 無色三摩提 受想悉寂滅 亦元有心量
大慧彼一闍提非一闍提世間解脫

楞伽阿闍世經第一 第二十八

誰轉大慧一闍提有二種一者捨一切善根及於無始衆生發願云何捨一切善根謂謗菩薩藏及作惡言此非隨順修多羅毗尼解脫之說捨一切善根故不般涅槃二者菩薩本自願方便故非不般涅槃一切衆生而般涅槃大慧彼般涅槃是名不般涅槃法相此亦到一闍提趣大慧白佛言世尊此中云何畢竟不般涅槃佛告大慧菩薩一闍提者知一切法本來般涅槃已畢竟不般涅槃而非捨一切善根一闍提也大慧捨一切善根一闍提者復以如來神力故或時善根生所以者何謂如來不捨一切衆生故以是故菩薩一闍提不般涅槃復次大慧菩薩摩訶薩當善三自性云何三自性謂妄想自性緣起目性成自性大慧妄想自性從相生大慧白佛言世尊云何妄想自性從相生佛告大慧緣起自性事相相行顯現事相相計著有二種妄想自性如來應供等正覺之所建立謂名相計著相及事相計著相名相計著相者

楞伽阿闍世經第一 第二十九

謂內外法計著事相計著相者謂即彼如是內外自共相計著是名二種妄想自性相若依若緣生是名緣起云何成自性謂離名相事相妄想聖智所得及自覺聖智趣所行境界是名成自性如來藏心今時世尊欲重宣此義而說偈言

名相覺想 自性二相 正智如如是則成相

大慧是名觀察五法自性相經自覺聖智趣所行境界汝等諸菩薩摩訶薩應當修學復次大慧菩薩摩訶薩善觀二種無我相云何二種无我相謂人無我及法无我云何人無我謂離我我所陰界入聚無知業受生眼色等攝受計著生識一切諸根自心現器身等藏自妄想相施設顯示如河沉如種子如燈如風如雲剎那展轉壞躁動如獲振樂不淨處如飛蠅无厭足如風火無始虛偽冒氣日如汲水輪生死趣有輪種種身色幻術神呪機發像起善彼相知是名人無我智云何法無我智謂覺陰界入妄想

楞伽阿闍世經第一 第三十

相自性如陰界入離我所陰界入積聚因業愛纏縛展轉相緣生無動搖諸法亦尔離自共相不實妄想相妄想力是凡夫生非聖賢也心意識五法自性離故大慧菩薩摩訶薩當善分別一切法無我善法无我菩薩摩訶薩不久當得初地菩薩無所有觀地相觀察開覺歡喜次第漸進起九地相得法雲地於彼建立無量寶莊嚴大寶蓮華王像大寶宮殿幻自性境界修習生於彼而坐同一像類諸取勝子眷屬圍繞從一切佛剎來佛手灌頂如轉輪聖王太子灌頂超佛子地到自覺聖法趣當得如來自法身見法無我故是名法無我相汝等諸菩薩摩訶薩應當修學

尔時大慧菩薩摩訶薩復白佛言世尊建立誹謗相唯願說之令我及諸菩薩摩訶薩離建立誹謗二邊惡見疾得阿耨多羅三藐三菩提覺已離常建立斷誹謗見不誹正法尔時世尊受大慧菩薩請已而說偈言

建立誹謗 无有彼心量身受用建立

及心不能知。愚癡無智。建立及誹謗。亦時世尊於此。偈義復重顯。示告大慧。言有四種。非有有建立。立何為四。謂非有相建立。非有見建立。非有因建立。非有性建立。是名四種建立。又誹謗者。謂於彼所立。無所得觀察。非分而起。誹謗是名建立誹謗相。復次大慧。云何非有相建立。相謂陰界入。非有自共相而起計著。此如是。此不異。是名非有相建立。相此非有相建立。妄想無始。虛偽過種種習氣。計著生大慧。非有見建立。相者若彼如是。陰界入我人衆生壽命長養士夫見建立。是名非有見建立。相大慧。非有因建立。相者謂初識元因生後不實如幻。本不生。眼色眼界念前生。生已實已還壞。是名非有因建立。相大慧。非有性建立。相者謂虛空滅服濕服。非作計性建立。此離性非性。一切法如兔馬等。角如垂髮。現離有非有建立。及誹謗。愚夫妄想不善觀察。自心現量非賢聖。也是名非有性建立。相是故離建立誹謗。愚見應當修。

學復次大慧。菩薩摩訶薩。善知心意。意識五法。自性二無我相。趣究竟為安。衆生故作種種類像。如妄想。自性。屢依於緣起。譬如衆色。如意寶珠。普現一切諸佛刹土。一切如來大衆集會。志於其中。聽受經法。所謂一切法如幻。如夢。光影。水月。於一切法。離生滅。斷常及離聲聞緣覺之法。得百千三昧。乃至百千億那由他三昧。得三昧已。逆諸佛刹。供養諸佛。生諸天宮。宣揚三寶。示現佛身。聲聞菩薩。大衆圍繞。以自心現量度脫。衆生分別演說。外性元性。志令遠離。有無等見。亦時世尊欲重宣此義。而說偈言。
心量世間 佛子觀察 種類之身 離所作行 得力神通 自在成就
亦時大慧。菩薩摩訶薩。復請佛言。唯願世尊。為我等說。一切法空。無生無二。離自性相。我等及餘諸菩薩。衆覺悟。是空。無生無二。離自性相。已離有無。妄想。疾得阿耨多羅三藐三菩提。亦時世尊告大慧。菩薩摩訶薩。言諦聽諦聽。善思念之。今當為汝廣分別。

說大慧。白佛言。善哉。世尊。唯然。受教。佛告大慧。空。空者。即是妄想。自性。屢大慧。妄想。自性。計著者。說空。無生無二。離自性相。大慧。彼略說七種空。謂相空。性自性空。行空。行空。行空。一切法離。言說空。第一義聖智大空。彼彼空。云何相空。謂一切性自共相。空觀展轉積聚。故分別無性。自共相不生。自他俱性。無性。故相不住。是故說一切性相空。是名相空。云何性自性空。謂自己性。自性不生。是名一切法性。自性空。是故說性自性空。云何行空。謂陰離我。我所。因。所成。所作。業。方便。生。是名行空。大慧。即此如是。行空。展轉緣起。自性元性。是名無行空。云何一切法離。言說空。謂妄想。自性。無言說。故一切法離。言說是名一切法離。言說空。云何一切法第一義聖智大空。謂得自覺聖智。一切見過習氣。空。是名一切法第一義聖智大空。云何彼彼空。謂於彼無彼。空。是名彼彼空。大慧。譬如鹿子母。舍無象馬牛羊等。非无比丘衆。而說彼空。非舍舍性。空亦非。

楞伽阿跋多羅寶經卷第一 第三十四 此

比丘比丘性空非餘處無爲馬是名一切法自相彼於彼元彼是名彼彼空是名七種空彼彼空者是空寂處汝當遠離大慧不自生非不生除住三昧是名无生離自性即是無生離自性利鄰相續流注及異性現一切性離自性是故一切性離自性云何無二謂一切法如冷熱如長短如黑白大慧一切法無二非於涅槃彼生死非於生死彼涅槃異相固有性故是名無二如涅槃生死一切法亦如是是故空元生無二離自性相應當修學尔時世尊欲重宣此義而說偈言我常說空法遠離於斷常生死如幻夢而彼常不壞虛空及涅槃滅二亦如是愚夫作妄想諸聖離有元

尔時世尊復告大慧菩薩摩訶薩言大慧空無生無二離自性相普入諸佛一切修多羅悉隨衆生怖望心故爲分別說顯示其義而非真實在於言說如鹿渴想誰惑群鹿鹿於彼相計著水性而彼水元如是一切修多羅所

楞伽阿跋多羅寶經卷第一 第三十五 此

說諸法爲令愚夫發歡喜故非實見聖智在於言說是故當依於我真實言說楞伽阿跋多羅寶經卷第一

癸卯歲高麗國大藏都監奉勅刊造

楞伽阿跋多羅寶經卷第二 此

余天竺藏求那跋陀羅譯

一切佛語心品之二

尔時大慧菩薩摩訶薩白佛言世尊世尊修多羅說如來藏自性清淨轉三十二相入於一切衆生身中如大價寶垢衣所纏如來之藏常住不變亦復如是而陰界入垢衣所纏貪欲患癡不實妄想塵勞所汙一切諸佛之所演說云何世尊同外道說我言有如來藏耶世尊外道亦說有常作者離於求鄰周遍不滅世尊彼說有我佛告大慧我說如來藏不同外道所說之我大慧有時說空元相無願如實際法性法身涅槃離自性不生不滅本來寂靜自性涅槃如是等句說如來藏已如來應供等正覺爲斷愚夫畏無我句故說離妄想無所有境界如來藏門大慧未來現在菩薩摩訶薩不應作我見計著譬如陶家於一泥聚以人工水木輪繩方便作種種器如來亦復如是於法元我離一

切妄想相以種種智慧善巧方便或說如來藏或說無我以是因緣故說如來藏不同外道所說之我是名說如來藏開引計我諸外道故說如來藏令離不實我見妄想入三解脱門境界希望得阿耨多羅三藐三菩提是故如來應供等正覺作如是說如來之藏若不如是則同外道所說之我是故大慧為離外道見故當休元我如來之藏今時世尊欲重宣此義而說偈言

人相續陰 緣與微塵 勝自在作心量妄想

今時大慧菩薩摩訶薩觀未來衆生復請世尊唯願為說修行無間如諸菩薩摩訶薩修行者大方便佛告大慧菩薩摩訶薩成就四法得修行者大方便云何為四謂善分別自心現觀外性非性離生住滅見得自覺聖智善樂是名菩薩摩訶薩成就四法得修行者大方便云何菩薩摩訶薩善分別自心現謂如是觀三界唯心分齊離我我所無動搖離去來無始

無偽習氣所熏三界種種色行繫縛身財建立妄想隨入現是名菩薩摩訶薩善分別自心現云何菩薩摩訶薩善觀外性非性謂炎夢等一切性無始虛偽妄想習因觀一切性自性菩薩摩訶薩作如是善觀外性非性是名菩薩摩訶薩善觀外性非性云何菩薩摩訶薩善離生住滅見謂如幻夢一切性自他俱性不生隨入自心分齊故見外性非性見識不生及緣不積聚見妄想終生於三界内外一切法不可得見離自性生見悉滅知如幻等諸法自性得无生法忍得无生法忍已離生住滅見是名菩薩摩訶薩善分別離生住滅見云何菩薩摩訶薩得自覺聖智善樂謂得无生法忍住第八菩薩地得離心意意識五法自性二無我相得意生身世尊意生身者何因緣佛告大慧意生者譬如意去逐疾无尋故名意生辟如意去石壁無尋於彼異方無量由延目先所見憶念不忘自心流注不絕於身無障導生大慧如是意生身

得一時俱菩薩摩訶薩意生身如幻三昧力自在神通妙相莊嚴聖種類身一時俱生猶如意生无有障導隨所憶念本願境界為成就衆生得自覺聖智善樂如是菩薩摩訶薩得无生法忍住第八菩薩地轉捨心意意識五法自性二無我相身及得意生身得自覺聖智善樂是名菩薩摩訶薩成就四法得修行者大方便當如是學

今時大慧菩薩摩訶薩復請世尊唯願為說一切諸法緣因之相以覺緣因相故我及諸菩薩離一切性有無妄見無妄想見漸次俱生佛告大慧一切法二種緣相謂外及内外緣者謂泥團柱輪繩水木人工諸方便緣有瓶生如泥瓶縷疊草席種牙酪酥等方便緣生亦復如是是名外緣前後轉生云何内緣謂無明愛業等法得緣名從彼生陰界入法得緣所起名彼无差別而愚夫妄想是名内緣法大慧彼因者有六種謂當有因相續因相因作因顯示因待因當有因

楞伽經卷第三 第五

楞伽經卷第三 第六

此示

楞伽經卷第三 第七

此

者作因已內外法生相續因者作攀緣已內外法生陰種子等相因者作無間相相續生作因者作增上事如轉輪王顯示因者妄想事生已相現

猶如虛空花 攝受及所攝 捨離或亂見 非已生當生 亦復無因緣 一切無所有 斯皆是言說

作所作如燈照色等待因者滅時作相續斷不妄想性生大慧彼自妄想相愚夫不漸次生不俱生所以者何若復俱生者作所作无分別不得因相故若漸次生者不得我相故漸次生不生如不生子無父名大慧漸次生相續方便不然但妄想耳因攀緣次第增上緣等生所生故大慧漸次不生妄想自性計者相故漸次俱不生自心現受用故自相共相外性非性大慧漸次俱不生除自心現不覺妄想故相生是故因緣作事方便相當離漸次俱見今時世尊欲重宣此義而說偈言

余時大慧菩薩摩訶薩復白佛言世尊唯願為說言說妄想相心經一用上世尊我及餘菩薩摩訶薩若言知言說妄想相心經則能通達言說所說二種義疾得阿耨多羅三藐三菩提以言說所說二種趣淨一切眾生佛告大慧諦聽諦聽善思念之當為汝說大慧白佛言善哉世尊唯然受教佛告大慧有四種言說妄想相謂相言說夢言說過妄想計者言說元始妄想言說相言說者從自妄想色相計者生夢言說者先所經境界隨憶念生從覺已境界無性生過妄想計者言說者先怨所作業隨憶念生元始妄想言說者無始虛偽計者過自種習氣生是名四種言說妄想相今時大慧菩薩摩訶薩復以此義勸請世尊唯願更說言說妄想所現境不計何處何故云何何因眾生妄想言說生佛告大慧頭冒唯鼻唇舌斷齒和

合出音聲大慧白佛言世尊言說妄想為異為不異佛告大慧言說妄想非異非不異所以者何謂彼因生相故大慧若言說妄想異者妄想不應是因若不異者語不顯義而有顯示是故非異非不異大慧復白佛言世尊為言說即是第一義為所說者是第一義佛告大慧非言說是第一義亦非所說是第一義所以者何謂第一義聖樂言說所入是第一義非言說是第一義第一義者聖智自覺所得非言說妄想覺境界是故言說妄想不顯示第一義言說者生滅動搖展轉因緣起若展轉因緣起者彼不顯示第一義大慧自他相元性故言說相不顯示第一義復次大慧隨入自心現量故種種相外性非性言說妄想不顯示第一義是故大慧當離言說諸妄想相今時世尊欲重宣此義而說偈言

諸性無自性 亦復无言說 甚深空空義 愚夫不能了 一切性自性 言說法如影 自覺聖智 實際我所說

尔時大慈菩薩摩訶薩復白佛言世
 尊唯願為說離有元一異俱不俱非
 有非無常無常一切外道所不行自
 覺聖智所行離妄想相共相入於
 第一真實之義諸地相續漸次上上
 增進清淨之相隨入如來地相無開
 發本願辟如衆色摩尼境界元邊相
 行自心現趣部分之相一切諸法我
 及餘菩薩摩訶薩離如是等妄想自
 性自共相見疾得阿耨多羅三藐三
 菩提令一切衆生一切安樂具足充
 滿佛告大慈善哉善哉汝能問我如
 是之義多所安樂多所饒益哀愍一
 切諸天世人佛告大慈諦聽諦聽善
 思念之吾當為汝分別解說大慈白
 佛言善哉世尊唯然受教佛告大慈
 不知心量愚癡凡夫取内外性依於
 一異俱不俱有無非有非元常無常
 自性習因計著妄想辟如群鹿為渴
 所逼見春時炎而作水想迷亂馳趣
 不知非水如是愚夫无始虛偽妄想
 所熏三毒燒心樂色境界見生住滅
 取内外性墮於一異俱不俱有元非

有非無常无常相想妄見攝受如乳閼
 婆城凡愚无智而起城想無始習氣
 計著想現彼非有城非無城如是外
 道无始虛偽習氣計著依於一異俱
 不俱有無非有非元常無常見不能
 了知自心現量辟如有人夢見男女
 為馬車步城邑園林山河浴池種種
 莊嚴自身入中覺已憶念大慈於意
 云何如是士夫於前所夢憶念不捨
 為難慧不大慈白佛言不也世尊佛
 告大慈如是凡夫愚見所墮外道智
 慧不知如夢自心現量依於一異俱
 不俱有元非有非無常无常見辟如
 畫像不高不下而彼凡愚作高下想
 如是未來外道愚見習氣充滿依於
 一異俱不俱有無非有非元常無常
 見自壞壞他餘難有無無生之論亦
 說言無諍因果見拔善根本壞清淨
 因勝求者當遠離去作如是說彼墮
 自他俱見有元妄想已墮建立誹謗
 以是愚見當墮地獄辟如瞽目見有
 垂髮謂衆人言汝等觀此而是垂髮
 畢竟非性非無性見不見故如是外

道妄見攝望依於一異俱不俱有無
 非有非元常無常見誹謗正法自陷
 陷他辟如火輪非輪愚夫輪想非有
 智者如是外道愚見怖望依於一異
 俱不俱有無非有非無常無常想一
 切性生辟如水泡似摩尼珠愚小無
 智作摩尼想計著追逐而彼水泡非
 摩尼非非摩尼取不取故如是外道
 愚見妄想習氣所熏於元所有說有
 生緣有者言滅
 復次大慈有三種量五分論各建立
 已得聖智自覺離二自性事而作有
 性妄想計著大慈心意意識身心轉
 變自心現攝所攝諸妄想新如來地
 自覺聖智修行者不應於彼作性非
 性想若復修行者如是境界性非性
 攝取想生者彼即取長養及取我人
 大慈若說彼性自性共相一切皆
 是化佛所說非法佛說又諸言說悉
 由愚夫怖望見生不為別建立趣自
 性法得聖智自覺三昧樂住者分別
 顯示辟如水中影現現彼非影非
 非影非樹形非非樹形如是外道見

楞伽阿毘達磨卷第二 第七頌

習所熏妄想計著依於一異俱不俱
有無非有非无常無常想而不能知
自心現量譬如明鏡隨緣顯現一切
色像而無妄想彼非像非非像而見
像非像妄想愚夫而作像想如是外
道惡見自心像現妄想計著依於一
異俱不俱有無非有非无常無常見
譬如風水和合出聲彼非性非非性
如是外道惡見妄想依於一異俱不
俱有無非有非无常無常見譬如大
地無草木處熱炎川流洪浪雲踴彼
非性非非性貪無貪故如是愚夫無
始虛偽習氣所熏妄想計著依生住
滅一異俱不俱有無非有非无常無
常緣自住事門亦復如彼熱炎波浪
譬如有人呪術機發以非衆生數毗
舍闍鬼方便合成動搖云為凡愚妄
想計著往來如是外道惡見怖望依
於一異俱不俱有無非有非无常無
常見戲論計著不實建立大慧是故欲
得自覺聖智事當離生住滅一異俱不
俱有無非有非无常无常等惡見妄
想爾時世尊欲重宣此義而說偈言

楞伽阿毘達磨卷第二 第十二頌

幻夢水樹影 垂髮熱時炎 如是觀三有
究竟得解脫 譬如鹿渴想 動轉迷乱心
鹿想謂為水 而實無水事 如是識種子
動轉見境界 愚夫妄想生 如為翳所翳
於無始生死 計著攝受性 如逆指出指
捨離貪攝受 如幻呪機發 浮雲夢電光
觀是得解脫 永斷三相續 於彼无有作
猶如炎虛空 如是知諸法 則為无所知
言教唯假名 彼亦無有相 於彼起妄想
陰行如垂髮 如垂垂髮幻 夢乳闍婆城
大輪熱時炎 無而現衆生 常无常一異
俱不俱亦然 无始過相續 愚夫癡妄想
明鏡水淨眼 摩尼妙寶珠 於中現衆色
而實无所有 一切性顯現 如畫熱時炎
種種衆色現 如夢無所有

復次大慧如來說法離如是四句謂
一異俱不俱有無非有非无常無常
離於有無建立誹謗分別結集真諦
緣起道滅解脫如來說法以是為首
非性非自在非無因非微塵非時非
自性相續而為說法復次大慧為淨
煩惱余炎障故摩如商主次第建立
百八句無所有善分別諸乘及諸地相

楞伽阿毘達磨卷第二 第十五頌

復次大慧有四種禪云何為四謂愚
夫所行禪觀察義禪攀緣如禪如未
得云何愚夫所行禪謂聲聞緣覺外
道修行者觀人無我性自相共相骨
節无常苦不淨相計著為首如是相
不異觀前後轉進想不除滅是名愚
夫所行禪云何觀察義禪謂人無我
自相共相外道自他俱無性已觀法
無我彼地相義漸次增進是名觀察
義禪云何攀緣如禪謂妄想二無我
妄想如實度不生妄想是名攀緣如
禪云何如未禪謂入如來地行自覺
聖智相三種樂住成辦衆生不思議
事是名如來禪爾時世尊欲重宣此
義而說偈言

凡夫所行禪 觀察相義禪 攀緣如實禪
如來清淨禪 譬如日月形 鉢頭摩深嶮
如虛空火燄 修行者觀察 如是種種相
外道道通禪 亦復墮聲聞 及緣覺境界
捨離彼一切 則是無所有一切剎諸佛
以不思議手 一時摩其頂 隨順入如相
爾時大慧菩薩摩訶薩復自佛言世
尊般涅槃者說何等法謂為涅槃佛

告大慧一切自性習氣藏意識見習
轉變名為涅槃諸佛及我涅槃自性
空事境界復次大慧涅槃者聖智自
覺境界離斷常妄想性非性云何非
常謂自相共相妄想斷故非常云何
非斷謂一切聖去來現在得自覺故
非斷大慧涅槃不壞不死若涅槃死
者復應受生相續若壞者應墮有為
相是故涅槃離壞離死是故修行者
之所歸依復次大慧涅槃非捨非得
非斷非常非一義非種種義是名涅
槃復次大慧聲聞緣覺涅槃者覺自
相共相不習近境界不顛倒見妄想
不生彼等於彼作涅槃覺復次大慧
二種自性相云何為二謂言說自性
相計著事自性相計著言說自性相
計著者從无始言說虛偽習氣計著
生事自性相計著者從不覺自心現
分齊生

慧菩薩摩訶薩初菩薩地住佛神力
所謂入菩薩大衆照明三昧入是三
昧已十方世界一切諸佛以神通力
為現一切身面言說如金剛藏菩薩
摩訶薩及餘如是相功德成就菩薩
摩訶薩大慧是名初菩薩地菩薩摩
訶薩得菩薩三昧正受神力於百千
劫積集善根之所成就次第諸地對
治所治相通達究竟至法雲地住大
蓮花微妙宮殿生大蓮花寶師子座
同類菩薩摩訶薩眷屬圍遶衆寶璣
珞莊嚴其身如黃金瞻闍日月光明
諸取勝手從十方來就大蓮花宮殿
坐上而灌其頂譬如自在轉輪聖王
及天帝釋太子灌頂是名菩薩手灌
頂神力大慧是名菩薩摩訶薩二種
神力若菩薩摩訶薩住二種神力面
見諸佛如來若不如是則不能見復
次大慧菩薩摩訶薩凡所分別三昧
神足說法之行是等一切志住如來
二種神光大慧若菩薩摩訶薩離佛
神力能辯說者一切凡夫亦應能說
所以者何謂不住神力故大慧山石

樹木及諸樂器城墉宮殿以如來入
城藏神力故皆自然出音樂之聲何
況有心者聲音瘖瘂元量衆苦皆得
解脫如來有如是等無量神力利安
衆生大慧菩薩復白佛言世尊以何
因緣如來應供等正覺菩薩摩訶薩
住三昧正受時及勝進地灌頂時加
其神力佛告大慧為離魔業煩惱故
及不墮聲聞地禪故為得如來自覺
地故及增進所得法故是故如來應
供等正覺咸以神力建立諸菩薩摩
訶薩若不以神力建立者則墮外道
惡見妄想及諸聲聞衆魔怖望不得
阿耨多羅三藐三菩提以是故諸佛
如來咸以神力攝受諸菩薩摩訶薩
亦時世尊欲重宣此義而說偈言
神力人中尊大願悲清淨三摩提灌頂
初地及十地
亦時大慧菩薩摩訶薩復白佛言世
尊佛說緣起如是說因緣不自說道
世尊外道亦說因緣謂勝自在時微
塵生如是諸性生然世尊所謂因緣
生諸性言說有聞悉種元聞悉種

世尊外道亦說有無有生世尊亦說無有生生已滅如世尊

所說無明緣行乃至老死此是世尊無已說非有因說世尊建立作如是說此有故彼有非建立漸生觀外道說勝非如來也所以者何世尊外道說因不從緣生而有生世尊說觀因有事觀事有因如是因緣雜亂如是展轉無窮佛告大慧我非无因說及因緣雜亂說此有故彼有者攝所攝非性覺自心現量大慧若攝所攝計者不覺自心現量外境界性非性彼有如是過非我說緣起我常說言因緣和合而生諸法非无因生大慧復白佛言世尊非言說有性有一切性耶世尊若元性者言說不生世尊是故言說有性有一切性佛告大慧無性而作言說謂兔角龜毛等世間現言說大慧非性非非性但言說耳如汝所說言說自性有一切性者汝論則壞大慧非一切刹土有言說言說者是作相耳或有佛刹瞻視顯法或有作相或有揚眉或有動睛或笑或

欠或聲言或念刹土或動搖大慧如瞻視及香積世界皆賢如來國土但以瞻視令諸菩薩得無生法忍及殊勝三昧是故非言說有性有一切性

大慧見此世界蚊蚋虫蟻是等衆生無有言說而各辦事今時世尊欲重宣此義而說偈言
如虛空无角及與豚大子元而有言說如是性妄想因緣和合法凡愚起妄想不能如實知輪迴三有宅
今時大慧菩薩摩訶薩復白佛言世尊常聲者何事說佛告大慧為惑亂以彼惑亂諸聖示現而非顛倒大慧如春時炎火輪垂致乾闥婆城幻夢鏡像世間顛倒非明智也然非不現大慧彼惑亂者有種種現非惑亂作無常所以者何謂離性非性故大慧云何離性非性惑亂謂一切愚夫種種境界故如彼恒河錢鬼見不見故元惑亂性於餘現故非無性如是惑亂諸聖離顛倒不顛倒是故惑亂常謂相相不壞故大慧非惑亂種種相妄想相壞是惑惑亂常大慧云何惑

乱真實者復因緣諸聖於此惑亂不起顛倒覺非不顛倒覺大慧除諸聖於此惑亂有少分想非聖智事想

大慧凡有者愚夫妄說非聖言說彼惑亂者倒不倒妄想起二種種性謂聖種性及愚夫種性聖種性者三種分別謂聲聞緣覺乘佛乘云何愚夫妄想起聲聞乘種性謂自共相計者起聲聞乘種性是名妄想起聲聞乘種性大慧即彼惑亂妄想起緣覺乘種性謂即彼惑亂自共相不觀計者起緣覺乘種性云何智者即彼惑亂想起佛乘種性謂覺自心現量外性非性不妄想相起佛乘種性是名即彼惑亂起佛乘種性又種種事性凡夫惑亂起佛乘種性彼非有事非元事惑亂起愚夫種性彼非有事非元事是名種性義大慧即彼惑亂不妄想諸聖心意意識過習氣自性法轉變性是名為如是故說如離心我說此句顯示離想即說離一切想
大慧白佛言世尊惑亂為有為无佛告大慧如幻無計者相若惑亂有計者相若計者性不可滅緣起應如外

道說因緣生法大慧白佛言世尊若

惑亂如幻者復當與餘惑作因佛告

大慧非幻惑因不起過故大慧幻不

起過無有妄想過大慧幻者從他明處

生非自妄想過習氣處生是故不起

過大慧此是愚夫心惑計著非聖賢

也余時世尊欲重宣此義而說偈言

聖不見惑亂 中間亦無實 中間若真實

惑亂即真實 捨離一切惑 若有相生者

是亦為惑亂 不淨猶如翳

復次大慧非幻無有相似見一切法

如幻大慧自佛言世尊為種種幻相

計著言一切法如幻為異相計著若

種種幻相計著言一切性如幻者世

尊有性不如幻者所以者何謂色種

種相非因世尊無有因色種種相現

如幻世尊是故無種種幻相計著相

似性如幻佛告大慧非種種幻相計

著相似一切法如幻大慧然不實一

切法速滅如電是則如幻大慧譬如

電光剎那頃現現已即滅非愚夫現

如是一切性自妄想自共相觀察無

性非現色相計著余時世尊欲重宣

此義而說偈言

非幻無有辟 說法性如幻 不實速如電

是故說如幻

大慧復自佛言如世尊所說一切性

無生及如幻將無世尊前後所說自

相違耶說無生性如幻佛告大慧非

我說無生性如幻前後相違過所以

者何謂生無生覺自心現量有非有

外性非性無生現大慧非我前後說

相違過然壞外道因生故我說一切

性無生大慧外道癡聚欲令有元有

生非自妄想種種計著緣大慧我非

有無有生是故我以無生說而說大

慧說性者為攝受生死故壞元見斷

見故為我弟子攝受種種業受生處

故以性聲說攝受生死大慧說幻性

自性相為難性自性相故墮愚夫愚

見相怖望不知自心現量壞因所作

生緣自性相計著說幻夢自性相一

切法不令愚夫愚見怖望計著自及

他一切法如實處見作不正論大慧

如實處見一切法者謂起自心現量

余時世尊欲重宣此義而說偈言

無生作非性 有性攝生死 觀察如幻等

於相不妄想

復次大慧當說名句形身相善觀名

句形身菩薩摩訶薩隨入義句形身

疾得阿耨多羅三藐三菩提如是覺

已覺一切眾生大慧名身者謂若依

事立名是名名身身者謂句有義

身自性決定究竟名是名身形身者

謂顯示名句是名形身形身即字也又形身

者謂長短高下又句身者謂徑跡如

為馬人獸等所行徑跡得句身名大

慧名及形者謂以名說無色四陰故

說名自相現故說形是名名句形身

說名句形身相分齊應當修學余時

世尊欲重宣此義而說偈言

名身與句身 及形身差別 凡夫愚計著

如為溺深泥

復次大慧未來世智者當以離一異

俱不俱見相我所通義問元智者彼

即答言此非正問謂色等常無常為

異不異如是涅槃諸行和所相求耶

所求耶造所造見所見塵及微塵修

與修者如是比展轉相如是等問而

初分四部經卷第二

第十卷

此

言佛說無記止論非彼癡人之所能知謂聞慧不具故如來應供等正覺令彼離恐怖句故說言無記不為記說又止外道見論故而不為說大慧外道作如是說謂命即是身如是等無記論大慧彼諸外道愚癡於因作元記論非我所說大慧我所說者離攝所攝妄想不生云何止彼大慧若彼大慧如來應供等正覺以四種記論為衆生說法大慧止記論者我時時說為根未熟不為熟者復次大慧一切法離所作因緣不生無作者故一切法不生大慧何故一切性離自性以自覺觀時自共性相不可得故說一切法不生何故一切法不可持來不可持去以自共相欲持來無所來欲持去無所去是故一切法離持來去大慧何故一切諸法不滅謂性自性相無故一切法不可得故一切法不滅大慧何故一切法無常謂相起無常性是故說一切法無常大慧何故一切法常謂相起無

初分四部經卷第二

第十卷

此

生性

生性無常常故說一切法常今時世尊欲重宣此義而說偈言記論有四種一向及諸問分別及止論以制諸外道有及非有主信法毗舍師一切志無記彼如是顯示正覺所分別自性不可得以離言說故說離自性今時大慧菩薩摩訶薩復自傳言世尊唯願為說諸須陀洹須陀洹趣聖別通相若菩薩摩訶薩若解須陀洹趣聖別通相及斯陀含向阿羅漢方便相分別知已如是如是為衆生說法謂二無我相及二障淨度諸地相究竟通達得諸如來不思議究竟境界如衆色摩尼善能饒益一切衆生以一切法境界无盡身時攝養一切佛告大慧諸聽講聽善思念之今為汝說大慧白佛言善哉世尊唯然聽受佛告大慧有三種須陀洹須陀洹果差別云何為三謂下中上三者極七有生中者三五有生而般涅槃上者即彼生而般涅槃此三種有三結下中上云何三結謂身見疑戒取是三結若別上上昇進得阿羅漢

初分四部經卷第二

第十卷

此

大慧身見有二種謂俱生及妄想如緣起妄想自性妄想譬如依緣起自性種種妄起自性計著生以彼非有非無非有無無實妄想相故愚夫妄想種種妄想自性相計著如熱時炎鹿渴水想是須陀洹妄想身見彼以人無我攝受無性斷除久遠無知計著大慧俱生者須陀洹身見自他身等四陰無色相故色生造及所造故展轉相因相故大種及色不集故須陀洹觀有無品見身見則斷如是身見斷貪則不生是名身見相大慧疑相者謂得法善見相故及先二種身見妄想斷故疑法不生不於餘處起大師見為淨不淨是名疑相須陀洹斷大慧戒取者云何須陀洹不取戒謂善見受生處苦相故是故不取大慧取者謂愚夫決定受習苦行為衆樂具故求受生彼則不取除迴向自覺勝離妄想無漏法相行方便受持戒支是名須陀洹取戒相斷須陀洹斷三結貪癡不生若須陀洹作是念此諸結我不成就者應有二過墮

身見及諸結不斷大慧白佛言世尊
世尊說衆多貪欲彼何者貪斷佛告
大慧愛樂女人纏綿貪著種種方便
身口惡業愛現在樂種未來苦彼則
不生所以者何得三昧正受樂故是
故彼斷非趣涅脥貪斷大慧云何斯
陀舍相謂類照色相妄想生相見相
不生善見禪趣相故頻來此世盡苦
際得涅脥是故名斯陀舍大慧云何
阿那含謂過去未來現在色相性非
性生見過患使妄想不生故及結斷
故名阿那舍大慧阿羅漢者謂諸禪
三昧解脫力明煩惱苦妄想非性故
名阿羅漢

大慧白佛言世尊世尊說三種阿羅
漢此說何等阿羅漢世尊為得寂靜
一乘道為菩薩摩訶薩方便示現阿
羅漢為佛化化佛告大慧得寂靜一
乘道聲聞非餘餘者行菩薩行及佛
化化巧方便本願故於大衆中示現
受生為莊嚴佛者屬故大慧於妄想
處種種說法謂得果得禪者入禪悲
遠離故示現得自心現量得果相說

名得果復次大慧欲超禪無量無色
界者當離自心現量相大慧受想正受
超自心現量者不然何以故有心量
故今時世尊欲重宣此義而說偈言
諸禪四無量無色三摩提一切受想滅
心量彼无有須陀洹都果往來及不還
及與阿羅漢斯等心惑亂禪者禪及緣
斷知是真諦此則妄想量若覺得解脫
復次大慧有二種覺謂觀察覺及妄
想相攝受計著建立覺大慧觀察覺
者謂若覺性自性相選擇離四句不
可得是名觀察覺大慧彼四句者謂
離一異俱不俱有无非有非無常无
常是名四句大慧此四句離是名一
切法大慧此四句觀察一切法應當
修學大慧云何妄想相攝受計著建
立覺謂妄想相攝受計著堅濕煖動
不實妄想相四大種宗因想譬喻計
著不實建立而建立是名妄想相攝
受計著建立覺是名二種覺相若菩
薩摩訶薩成就此二覺相人法無我
相究竟善知方便无所有覺觀察行
地得初地八百三昧得差別三昧見

百佛及百菩薩知前後際各百劫事
光照百剎土知上上地相大願殊勝
神力自在法雲灌頂當得如來自覺
地善繫心十元盡句成熟衆生種種
變化光明莊嚴得自覺聖樂三昧
正受故

復次大慧菩薩摩訶薩當善四大造
色云何菩薩善四大造色大慧菩薩
摩訶薩作是學彼真諦者四大不生
於彼四大不生作如是觀察觀察已
覺名相妄想分齊自心現分齊外性
非性是名自心現妄想分齊謂三界觀
彼四大造色性離四句通淨離我我
所如實相自相分齊住无生自相成
大慧彼四大種云何生造色謂津潤
妄想大種生内外水界堪能妄想大
種生内外大界飄動妄想大種生内
外風界斷截色妄想大種生内外地
界色及虛空俱計著邪諦五陰集衆
四大造色生大慧識者因樂種種跡
境界故餘趣相續大慧地等四大及
造色等有四大緣非彼四大緣所以
者何謂性相處所作方便无性大

種不上大慧性形相屬所作方便和合生非無形是故四大造色相外道妄想非我

復次大慧當說諸陰自性相云何諸陰自性相謂五陰云何五謂色受想行識彼四陰非色謂受想行識大慧色者四大及造色各各異相大慧非無色有四影如虛空譬如虛空過數相離於數而妄想言一虛空大慧如是陰過數相離於數離性非性離四句數相者愚夫言說所說非聖賢也大慧聖者如幻種種色像離異不異施設又如夢影士夫身離異不異故大慧聖智趣同陰妄想現是名諸陰自性相汝當除滅滅已說寂靜法斷一切佛刹諸外道見大慧說寂靜時法無我見淨及入不動地入不動地已無量三昧自在及得意生身得如幻三昧通達究竟力明自在救攝饒益一切衆生猶如大地載育衆生菩薩摩訶薩普濟衆生亦復如是復次大慧諸外道有四種涅槃云何為四謂性自性非性涅槃種種相性

非性涅槃抄何阿跋致卷第二 第三卷 此篇自相自性非性覺涅槃諸陰自共相相續流注斷涅槃是名諸外道四種涅槃非我所說法大慧我所說者妄想識滅名為涅槃

大慧白佛言世尊不建立八識耶佛言建立大慧白佛言若建立者云何離意識非七識佛告大慧彼因及彼攀緣故七識不生意識者境界分段計著生習氣長養識意俱我我所計著思惟因緣生不壞身相蔽識因攀緣自心現境界計著心聚生展轉相因譬如海浪自心現境界風吹若生若滅亦如是是故意識滅七識亦滅亦時世尊欲重宣此義而說偈言我不涅槃性所作及與相妄想念炎識此滅我涅槃彼因彼攀緣意趣等成身與因者是心為識之所依如水大流盡波浪則不起如是意識滅種種識不生復次大慧今當說妄想自性分別通相若妄想自性分別通相善分別汝及餘菩薩摩訶薩離妄想到自覺聖外道通趣善見覺攝所攝妄想斷緣起種種相妄想自性行不復妄想大

慧云何妄想自性分別通相謂言說妄想所說事妄想相妄想到妄想自性妄想因妄想見妄想成妄想生妄想不生妄想相續妄想縛不縛妄想是名妄想自性分別通相大慧云何言說妄想謂種種妙音歌詠之聲美樂計著是名言說妄想大慧云何所說事妄想謂有所說事自性聖智所知依彼而生言說妄想是名所說事妄想大慧云何相妄想謂即彼所說事如鹿渴想種種計著而計著謂堅濕煖動相一切性妄想是名相妄想大慧云何利妄想謂樂種種金銀珠寶是名利妄想大慧云何自性妄想謂自性持此如是不異惡見妄想是名自性妄想大慧云何因妄想謂若因若緣有无分別因相生是名因妄想大慧云何見妄想計著妄想是名見妄想大慧云何成妄想謂我我所想成決定論是名成妄想

大慧云何生妄想謂緣有無性生計著是名生妄想大慧云何不生妄想

謂一切性本無生無種因緣生無因
身是名不生妄想。大慧云何相續妄
想。謂彼俱相續如金縷。是名相續妄
想。大慧云何縛不縛。妄想謂縛因緣
計著如士夫方便若縛若解。是名縛
不縛。妄想於此妄想自性分別通相
一切愚夫計著有元大慧計著緣起
而計著者種種妄想計著自性如幻
示現種種之身。凡夫妄想見種種異
幻大慧。幻與種種非異非不異。若異
者。幻非種種。因若不異者。幻與種種
無差別。而見差別。是故非異非不異
是故大慧。汝及餘菩薩摩訶薩。如幻
緣起妄想。自性異不異。有無莫計著
。今時世尊欲重宣此義而說偈言
心縛於境界。覺想智隨轉。元所有及勝
平等智慧生。妄想自性有。於緣起則元
妄想或攝受。緣起非妄想。種種支分生
如幻則不成。彼相有種種。妄想則不成
。彼相則是過。皆從心縛生。妄想元所知
於緣起妄想。此諸妄想性。即是彼緣起
妄想有種種。於緣起妄想。世諦第一義
第三無因生。妄想說世諦。斷則聖境界。

譬如修行事。於一種種現。於彼種種
妄想相如是。譬如種種聲。妄想眾色現
翳無色非色。緣起不覺然。譬如鍊真金
遠離諸垢穢。虛空无雲翳。妄想淨亦然
。无有妄想性。及有彼緣起。建立及誹謗
。悉由妄想壞。妄想若元性。而有緣起性
。無性而有性。有性無性生。依因於妄想
。而得彼緣起。相名常相隨。而生諸妄想
。究竟不成就。則度諸妄想。然後知清淨
。是名第二義。妄想有十二緣起。有六種
。自覺知。今矣。彼無有差別。五法為真實
。自性有三種。修行分別此。不越於如如
。眾相及緣起。彼名起妄想。彼諸妄想相
。從彼緣起生。覺慧善觀察。元緣無妄想
。成已無有性。云何妄想覺。彼妄想自性
。建立二自性。妄想種種現。清淨聖境界
。妄想如畫色。緣起計妄想。若異妄想者
。即依外道論。妄想說所想。目見和合生
。離二妄想者。如是則為成
。大慧菩薩摩訶薩。復白佛言。世尊。唯
願為說。自覺聖智相及一乘。若說自覺
聖智相及一乘。我及餘菩薩善自覺
聖智相及一乘。不由於他通達佛法。

佛告大慧。諦聽諦聽。善思念之。當為
汝說。大慧。白佛言。唯然。受教。佛告大
慧。前聖所知。轉相傳授。妄想無性。菩
薩摩訶薩。獨一靜處。自覺觀察。不由
於他。離見妄想。上上昇進。入如來地
。是名自覺聖智相。大慧云何。一乘相
。謂得一乘道。覺我說一乘云何。得一
乘道。覺謂攝所攝。妄想如實處。不生
妄想。是名一乘。覺大慧。一乘覺者。非
餘外道聲聞緣覺。梵天王等之所能
得。唯除如來。以是故。說名一乘。大慧
。白佛言。世尊。何故說三乘而不說一
乘。佛告大慧。不自般涅槃法。故不說
一乘。聲聞緣覺。一乘。以一切聲聞緣
覺。如來調伏。授寂靜方便。而得解脫
。非自己力。是故不說一乘
。復次。大慧。煩惱障業習氣。不斷。故不
說一切聲聞緣覺。一乘。不覺法。无我
。不離分段死。故說三乘。大慧。彼諸一
切起煩惱。過習氣。斷及覺法。無我。彼
一切起煩惱。過習氣。斷三昧樂味著
。非性。無漏界。覺覺已。復入出世間上
上无漏界。滿足。眾具當得。如來不思

楞伽阿跋多羅寶經卷第三 第二張此

議自在法身今時世尊欲重宣此義而說偈言

諸天及梵衆 聲聞緣覺衆 諸佛如來衆
我說此諸衆 乃至有心轉 諸衆非究竟
若彼心滅盡 无衆及衆者 无有衆建立
我說為一乘 引導衆生故 分別說諸衆
解脫則遠離 譬如海浮木 常隨波浪轉
聲聞愚亦然 相風所飄蕩 彼起煩惱滅
除習煩惱愚 味著三昧樂 安住无漏界
無有究竟趣 亦復不退還 得諸三昧身
乃至却不覺 譬如昏醉人 酒消然後覺
彼覺法亦然 得佛無上身
楞伽阿跋多羅寶經卷第三

癸卯歲高麗國大藏都監奉
勅彫造

楞伽阿跋多羅寶經卷第三

此

宋天竺三藏求那跋陀羅譯

一切佛語心品之三

今時世尊告大慧菩薩摩訶薩言意
生身分別通相我今當說諦聽諦聽
善思念之大慧自佛言善哉世尊唯
然受教佛告大慧有三種意生身云
何為三所謂三昧樂正受意生身覺
法自性性意生身種類俱生無行作
意生身修行者了知初地上增進相
得三種身大慧云何三昧樂正受意
生身謂第三第四第五地三昧樂正
受故種種自心寂靜安住心海起浪
識相不生知自心現境界性非性是
名三昧樂正受意生身大慧云何覺
法自性性意生身謂第八地觀察覺
了如幻等法悉無所有身心轉變得
如幻三昧及餘三昧門無量相力自
在明如妙華莊嚴莊嚴如意猶如幻
夢水月鏡像非造非所造如造所造
一切色種種支分具足莊嚴隨入一
切佛刹大衆通達自性法故是名覺

楞伽阿跋多羅寶經卷第三 第二張此

法自性性意生身大慧云何種類俱
生無行作意生身所謂覺一切佛法
緣自得樂相是名種類俱生無行作
意生身大慧於彼三種身相觀察覺
了應當修學今時世尊欲重宣此義
而說偈言

非我乘大乘 非說亦非字 非諦非解脫
非無有境界 然乘摩訶衍 三摩提自在
種種意生身 自在華莊嚴

今時大慧菩薩摩訶薩自佛言世尊
如世尊說若男子女人行五無間業
不入無擇地獄世尊云何男子女人
行五無間業不入無擇地獄佛告大
慧諦聽諦聽善思念之當為汝說大
慧自佛言善哉世尊唯然受教佛告
大慧云何五無間業所謂煞父母及
害羅漢破壞壞衆僧惡心出佛身血大
慧云何衆生母謂受更受生貪喜俱
如緣母立無明為父生入處聚落斷
二根本名害父母彼諸使不現如鼠
毒發諸法究竟斷彼名害羅漢云何
破僧謂具相諸陰和合積聚究竟斷
彼名為破僧大慧不覺外自共相自

心現量七識身以三解脫無漏惡想
究竟斷彼七種識佛名為惡心出佛
身血若男子女人行此無間者名五
無間事亦名無間業

復次大慧有外無間今當演說汝及
餘菩薩摩訶薩聞是義已於未來世
不墮惡趣云何五無間謂先所說無
間若行此者於三解脫一一不得無
間等法除此法已餘化神力現無間等
謂聲聞化神力菩薩化神力如來
化神力為餘作無間罪者除疑悔過
為勸發故神力變化現無間等元有
一向作無間事不得無間等法除覺自
心現量離身財妄想離我所攝受
或時遇善知識解脫餘趣相續妄想
余時世尊欲重宣此義而說偈言
貪愛名為母 无明則為父 覺境識為佛
諸伎為羅漢 陰集名為僧 無間次第斷
謂是五無間 不入無擇獄
余時大慧菩薩復白佛言世尊唯願
為說佛之知覺世尊何等是佛之知
覺佛告大慧覺人法无我了知二障
離二種死斷二煩惱是名佛之知覺

聲聞緣覺得此法者亦名為佛以是
因緣故我說一乘今時世尊欲重宣
此義而說偈言

善知二無我 二障煩惱斷 永離二種死
是名佛知覺

今時大慧菩薩白佛言世尊何故世
尊於大眾中唱如是言我是過去一
切佛及種種受生我今時作湯陀轉
輪聖王六牙大馬及鸚鵡鳥擇提桓
因善眼仙人如是等百千生經說佛
告大慧以四等故如來應供等正覺
於大眾中唱如是言我今時作拘留
孫鉤都舍牟尼迦葉佛云何四等謂
字等語等法等身等是名四等以四
種等故如來應供等正覺於大眾中
唱如是言云何字等若字稱我為佛
彼字亦稱一切諸佛彼字自性元有
差別是名字等云何語等謂我六十
四種梵音言語相生彼諸如來應供
等正覺亦如是六十四種梵音言語
相生無增無減無有差別迦陵頻伽
梵音聲性云何身等謂我與諸佛法
身及色身相好元有差別除為調伏

彼彼諸趣差別眾生故示現種種差
別色身是名身等云何法等謂我及
彼佛得三十七菩提分法略說佛法
無障導智是名四等是故如來應供
等正覺於大眾中唱如是言今時世
尊欲重宣此義而說偈言
迦葉拘留孫 鉤都舍是我 以此四種等
我為佛子說

大慧復白佛言如世尊所說我從某
夜得寂正覺乃至某夜入般涅槃於
其中間乃至不說一字亦不已說當
說不說是佛說大慧自佛言世尊如
來應供等正覺何因說言不說是佛
說佛告大慧我因二法故作如是說
云何二法謂緣自得法及本住法是
名二法因此二法故我如是說云何
緣自得法若彼如來所得我亦得之
無增無減緣自得法究竟境界離言
說妄想離字二趣云何本住法謂古
先聖道如金銀等性法界常住若如
來出世若不出世法界常住如趣彼
成道辟如士夫行曠野中見向古城
平坦正道即隨入城受如意樂大慧

楞伽阿跋多羅經卷第三 第五

於意云何彼士夫作是道及城中種種樂耶答言不也佛告大慧我及過去一切諸佛法界常住亦復如是是故說言我從某夜得取正覺乃至某夜入般涅槃於其中間不說一字亦不已說當說尔時世尊欲重宣此義而說偈言

我某夜成道 至某夜涅槃 於此二中間 我都無所說 緣自得法住 故我作是說 彼佛及與我 悉無有差別

尔時大慧菩薩復請世尊唯願為說一切法有無有相令我及餘菩薩摩訶薩離有元有相我得阿耨多羅三藐三菩提佛告大慧諦聽諦聽善思念之當為汝說大慧白佛言善哉世尊唯然受教佛告大慧此世間依有二種謂依有無及隨性非性欲見不離離相大慧云何世間依有謂有世間因緣生非不有從有生非元有生大慧彼如是說者是說世間無因大慧云何世間依無謂受貪恚癡性已然後妄想計著貪恚癡性非性大慧若不取有性者性相寂靜故謂諸如來

楞伽阿跋多羅經卷第三 第六

聲聞緣覺不取貪恚癡性為有為無大慧此中何等為壞者大慧白佛言世尊若彼取貪恚癡性後不復取佛告大慧善哉善哉汝如是解大慧非但貪恚癡性非性為壞者於聲聞緣覺及佛亦是壞者所以者何謂內外不可得故煩惱性異不異故大慧貪恚癡若內若外不可得貪恚癡性無身故無取故非佛聲聞緣覺是壞者佛聲聞緣覺自性解脫故縛與縛因非性故大慧若有縛者應有縛是縛因故大慧如是說壞者是名無所有相大慧因是故我說寧取人見如須弥山不起無所有增上慢空見大慧無所有增上慢者是名為壞墮自共相見怖望不知自心現量見外性无常剎那展轉壞除界入相續流注變滅離文字相妄想是名壞者尔時世尊欲重宣此義而說偈言

有元是二邊 乃至心境界 淨除彼境界 平等心寂滅 无取境界性 滅非元所有 有事患如如 如賢聖境界 無種而有生 生已而復滅 因緣有非有 不住我教法

楞伽阿跋多羅經卷第三 第七

非外道非佛非我亦非餘 因緣所集起云何而得無 誰集因緣有 而復說言無邪見論生法 妄想計有無 若知無所生亦復无所滅 觀世悉空寂 有無二俱離尔時大慧菩薩復白佛言世尊唯願為我及諸菩薩說宗通相若善分別宗通相者我及諸菩薩通達是相通是相已速成阿耨多羅三藐三菩提不隨覺想及眾魔外道佛告大慧諦聽諦聽善思念之當為汝說大慧白佛言唯然受教佛告大慧一切聲聞緣覺菩薩有二種通相謂宗通及說通大慧宗通者謂緣自得勝進相速離言說文字妄想趣無漏界自覺地自相遠離一切虛妄覺想降伏一切外道眾魔緣自覺趣光明暉發是名宗通相云何說通相謂說九部種種教法離異不異有無等相以巧方便隨順眾生如應說法令得度脫是名說通相大慧汝及餘菩薩應當修學尔時世尊欲重宣此義而說偈言

宗及說通相 緣自與教法 若見善分別 不隨諸覺想 非有真實性 如愚夫妄想

云何起欲想 非性為解脫 觀察諸有為
生滅等相續 增長於二見 顛倒無所知
一是為真諦 元罪為涅槃 觀察世妄想
如幻夢芭蕉 雖有貪患癡 而實無有人
從愛生諸陰 有皆如幻夢

尔時大慧菩薩白佛言世尊唯願為
說不實妄想相不實妄想云何而生
說何等法名不實妄想於何等法中
不實妄想佛告大慧善哉善哉能問
如來如是之義多所饒益多所安樂
哀愍世間一切天人諦聽諦聽善思
念之當為汝說大慧白佛言善哉世
尊唯然受教佛告大慧種種義種種
不實妄想計著妄想生大慧攝所攝
計著不知自心現量及墮有九見增
長外道見妄想習氣計著外種種義
心心數妄想計著我我所生大慧白
佛言世尊若種種義種種不實妄想
計著妄想生攝所攝計著不知自心
現量及墮有九見增長外道見妄想
習氣計著外種種義心心數妄想我
我所計著生世尊若如是外種種義
相墮有無相離性非性離見相世尊

第一義亦如是離量限分辭喻因相世
尊何故一處妄想不實義種種性計
著妄想生非計著第一義處相妄想
生將無世尊說邪因論邪說一生一
不生佛告大慧非妄想一生一不生
所以者何謂有無妄想不生故外現
性非性覺自心現量妄想不生大慧
我說餘愚夫自心種種妄想相故事
業在前種種妄想性想計著生云何
愚夫得離我我所計著見離作所作
因緣過覺自妄想心量身心轉變究
竟明解一切地如來自覺境界離五
法自性事見妄想以是因緣故我說
妄想從種種不實義計著生知如實
義得解脫息種種妄想尔時世尊欲
重宣此義而說偈言

諸因及與緣 從此生世間 妄想者四句
不知我所通 世間非有生 亦復非无生
不從有無生 亦非非有無 諸因及與緣
云何愚妄想 非有亦非無 亦復非有無
如是觀世間 心轉得無我 一切性不生
以從緣生故 一切緣所作 所作非自有
事不自生事 有二事過故 無二事過故

非有性可得 觀諸有為法 離攀緣所緣
無心之心量 我說為心量 量者自性處
緣性二俱離 性究竟妙淨 我說名為量
施設世諦我 彼則無實事 諸陰陰施設
無事亦復然 有四種平等 相及因性生
第三無我等 第四修修者 妄想習氣轉
有種種心生 境界於外現 是世俗心量
外現而非有 心見彼種種 建立於身財
我說為心量 離一切諸見 及離想所想
無得亦无生 我說為心量 非性非非性
性非性悲離 謂彼心解脫 我說為心量
如如與空際 涅槃及法界 種種意生身
我說為心量

尔時大慧菩薩白佛言世尊如世尊
所說菩薩摩訶薩當善語義云何為
菩薩善語義云何為語云何為義佛
告大慧諦聽諦聽善思念之當為汝
說大慧白佛言善哉世尊唯然受教
佛告大慧云何為語謂言字妄想和
合依咽唯屑舌齒斷類輔因彼我言
說妄想習氣計著生是名為語大慧
云何為義謂離一切妄想相言說相
是名為義大慧菩薩摩訶薩於如是

義獨一靜處聞思修慧緣自覺了向

楞伽阿跋多羅經卷第三 第三十

涅槃城習氣身轉變已自覺境界觀地地中間勝進義相是名菩薩摩訶薩善義

復次大慧善語義菩薩摩訶薩觀語興義非異非不異觀義與語亦復如是若語異義者則不因語辯義而以語入義如燈照色復次大慧不生不滅自性涅槃三乘一乘心自性等如緣言說義計著墮建立及誹謗見異建立異妄想如幻種種妄想現辟如種種幻凡愚衆生作異妄想非聖賢也亦時世尊欲重宣此義而說偈言彼言既妄想建立於諸法以彼建立故死墮泥犁中陰中無有我陰非即是我不如彼妄想亦復非無我一切悉有性如凡愚妄想若如彼所見一切應見諦一切法無性淨纖悉無有不實如彼見亦非无所有

復次大慧智識相今當說若善分別智識相者汝及諸菩薩則能通達智識之相疾成阿耨多羅三藐三菩提大慧彼智有三種謂世間出世間出

世間上上智云何世間智謂一切外

楞伽阿跋多羅經卷第三 第三十一

道凡夫計著有無云何出世間智謂一切聲聞緣覺墮自共相怖望計著云何出世間上上智謂諸佛菩薩觀無所有法見不生不滅離有無品入如來地人法無我緣自得生大慧彼生滅者是識不生不滅者是智復次墮相無相及墮有無種種相因是識超有無相是智復次長養相是識非長養相是智復次有三種智謂知生滅知自共相知不生不滅復次無尋相是智境界種種尋相是識復次三事和合生方便相是識無事方便自性相是智復次得相是識不得相是智自得聖智境界不入故如水中目今時世尊欲重宣此義而說偈言採集業為識不採集為智觀察一切法通達无所有逮得自在力是則名為慧縛境界為心覺想生為智無所有及勝慧則從是生心意及與識遠離思惟想得無思想法佛子非聲聞寂靜勝進忍如來清淨智生於善勝義所行悉遠離我有三種智聖聞發真實於彼想思惟

悉攝受諸性二乘不相應智難諸所有計著於自性從諸聲聞生超度諸心量如來智清淨

楞伽阿跋多羅經卷第三 第三十二

復次大慧外道有九種轉變論外道轉變見生所謂形處轉變相轉變因轉變成轉變見轉變性轉變緣分明轉變所作分明轉變事轉變大慧是名九種轉變見一切外道因是起有無生轉變論云何形處轉變謂形處異見譬如金變作諸器物則有種種形處顯現非金性變一切性變亦復如是或有外道作如是妄想乃至事轉變妄想彼非如非異妄想故如是一切性轉變當知如乳酪酒果等熟外道轉變妄想彼亦無有轉變若有若無自心現外性非性大慧如是凡愚衆生自妄想修習生大慧元有法若生若滅如見幻夢色生今時世尊欲重宣此義而說偈言

形處時轉變四大種諸相中陰漸次生妄想非明智寂勝於緣起非如彼妄想然世間緣起如輿聞婆城

亦時大慧菩薩復自佛言世尊唯願

為說一切法相續義解脫義若善分別一切法相續不相續相我及諸菩薩善解一切相續巧方便不墮如所說義計著相續善於一切諸法相續不相續相及離言說文字妄想覺遊行一切諸佛剎土無量大衆力自在神通持持之印種種變化光明照曜覺慧善入十無盡句無方便行猶如日月摩尼四大於一切地離自妄想相見見一切法如幻夢等入佛地身於一切衆生界隨其所應而為說法而引導之慈令安住一切諸法如幻夢等離有無品及生滅妄想異言說義其身轉勝佛告大慧善哉善哉諦聽諦聽善思念之當為汝說大慧自佛言唯然受教佛告大慧無量一切諸法如所說義計著相續所謂相計著相續緣計著相續性非性計著相續生不生妄想計著相續滅不滅妄想計著相續乘非乘妄想計著相續有為無為妄想計著相續地地自相妄想計著相續自妄想無間妄想計著相續有元品外道依妄想計著相續

三乘一乘無間妄想計著相續復次大慧此及餘凡愚衆生自妄想相續以此相續故凡愚妄想如蠶作蠶以妄想絲自纏纏他有無相續相計著復次大慧彼中亦无相續及不相續相見一切法寂靜妄想不生故菩薩摩訶薩見一切法寂靜復次大慧覺外性非性自心現相無所有隨順觀察自心現量有無一切性無相見相續寂靜故於一切法無相續不相續相復次大慧彼中无有若縛若解餘墮不如實覺知有縛有解所以者何謂於一切法有無有無衆生可得故復次大慧愚夫有三相續謂貪恚癡及愛未來有喜愛俱以此相續故有趣相續彼相續者續五趣大慧相續斷者無有相續不相續相復次大慧三和合緣作方便計著識相續无間生方便計著則有相續三和合緣識斷見三解脫一切相續不生今時世尊欲重宣此義而說偈言
不真實妄想是說相續相若知彼真實相續網則斷於諸性無知隨言說攝受

辟如彼蠶虫結網而自纏愚夫妄想相續不觀察
大慧復自佛言如世尊所說以彼彼妄想妄想彼彼性非有彼自性但妄想自性耳大慧自佛言世尊若但妄想自性非性自性相待者非為世尊如是說煩惱清淨無性過耶一切法妄想自性非性故佛告大慧如是如是如汝所說大慧非如愚夫性自性妄想真實此妄想自性非有性自性相然大慧如聖智有性自性聖知聖見聖慧眼如是性自性知大慧自佛言若使如聖以聖知聖見聖慧眼非天眼非肉眼性自性如是知非如愚夫妄想世尊云何愚夫離是妄想不覺聖性事故世尊彼亦非顛倒非不顛倒所以者何謂不覺聖性自性故不見離有無相故世尊聖亦不如是見如是妄想不以自相境界為境界故世尊彼亦性自性相妄想自性如是現不說因無因故謂墮性相見故異境界非如彼等如是元窮過世尊不覺性自性相故世尊亦非妄想

自性因性自性相彼云何妄想非妄想如實知妄想世尊妄想異自性相異世尊不相似因妄想自性想彼云何各各不妄想愚夫不如實知然為衆生離妄想故說如妄想相不如實有世尊何故遮衆生有元見事自性計著聖智所行境界計著隨有見說空法非性而說聖智自性事佛告大慧非我說空法非性亦不墮有見說聖智自性事然為令衆生離恐怖句故衆生无始已來計著性自性相聖智事自性計著相見說空法大慧我不說性自性相大慧但我住自得如實空法離惑亂相見離自心現性非性見得三解脫如實印所印於性自性得緣自覺觀察住離有元事見相復次大慧一切法不生者菩薩摩訶薩不應立是宗所以者何謂宗一切性非性故及彼因生相故說一切法不生宗彼宗則壞彼宗一切法不生彼宗壞者以宗有待而生故又彼宗不生入一切法故不壞相不生故立一切法不生宗者彼說則壞大慧

有無不生宗彼宗入一切性有元相不可得大慧若使彼宗不生一切性不生而立宗如是彼宗壞以有無性相不生故不應立宗五分論多過故展轉因異相故及為作故不應立宗分謂一切法不生如是一切法空如是一切法無自性不應立宗大慧然菩薩摩訶薩說一切法如幻夢性現不現相故及見覺過故當說一切法如幻夢性除為愚夫離恐怖句故大慧愚夫墮有無見莫令彼恐怖遠離摩訶衍今時世尊欲重宣此義而說偈曰元自性無說无事無相續彼愚夫妄想如死尸惡覺一切法不生非彼外道宗至竟无所生性緣所成就一切法不生慧者不作想彼宗因生故覺者悉除滅譬如翳目視妄見垂髮相計著性亦然愚夫邪妄想施設於三有元有事自性施設事自性愚惟起妄想相事說言教意亂極震掉佛子能超出遠離諸妄想非水水相受斯從渴受生愚夫如是或聖見則不然聖人見清淨三脫三昧生遠離於生死遊行無所畏修行无所有

亦無性非性性非性平等從是生聖果云何性非性云何為平等謂彼心不知内外極漂動若能壞彼者心則平等見今時大慧菩薩白佛言世尊如世尊說如攀緣事智慧不得是施設量建立施設所攝受非性攝受亦非性以無攝故智則不生唯施設名耳云何世尊為不覺性自相共相異不異故智不得耶為自相共相種種性自性相隱蔽故智不得耶為山巖石壁地水火風障故智不得耶為極遠極近故智不得耶為老小盲冥諸根不具故智不得耶世尊若不覺自共相異不異智不得者不應說智應說无智以有事不可得故若復種種自共相性自性相隱蔽故智不得者彼亦无智非是智世尊有今炎故智生非無性會余炎故名為智若山巖石壁地水火風極遠極近老小盲冥諸根不具智不得者此亦非智應是无智以有事不可得故佛告大慧不如是无智應是智非非智我不如是隱覆說攀緣事智慧不得是施設重建立覺自

心現量有無有外性非性智而事不得不得故智於余炎不生順三解脫智亦不得非妄想者无始性非性虛偽智智作如是知是知彼不知故於外事處所相性作無性妄想不斷自心現量建立說我我所相攝受計者不覺自心現量於智余炎而起妄想妄想故外性非性觀察不得依於斯見余時世尊欲重宣此義而說偈言

有諸攀緣事 智慧不觀察 此無智非智是妄想者說 於不異相性 智慧不觀察障尋及遠近 是名為邪智 老小諸根冥而智慧不生 而實有余炎 是亦說邪智

復次大慧愚癡凡夫無始虛偽惡邪妄想之所迴轉迴轉時自宗通及說通不善了知者自心現外性相故著方便說於自宗四句清淨通相不善分別大慧自佛言誠如尊教唯願世尊為我分別說通及宗通我及餘菩薩摩訶薩善於二通來世凡夫聲聞緣覺不得其短佛告大慧善哉善哉諦聽諦聽善思念之當為汝說大慧自佛言唯然受教佛告大慧三世如

來有二種法通謂說通及自宗通說通者謂隨眾生心之所應為說種種界具契經是名說通自宗通者謂修行者離自心現種種妄想謂不墮一異俱不俱品超度一切心意意識自覺聖境雖因成見相一切外道聲聞緣覺隨二邊者所不能和我說是名自宗通法大慧是名自宗通及說通相汝及餘菩薩摩訶薩應當修學余時世尊欲重宣此義而說偈言

謂我二種通 宗通及言說 說者授重蒙宗為修行者

余時大慧菩薩白佛言世尊如世尊一時說言世間諸論種種辯說慎勿習近若習近者攝受貪欲不攝受法世尊何故作如是說佛告大慧世間言論種種句味因緣譬喻採習莊嚴誘引誑惑愚癡凡夫不入真實自通不覺一切法妄想顛倒墮於二邊凡愚癡惑而自破壞諸趣相續不得解脫不能覺知自心現量不離外性自性妄想計者是故世間言論種種辯說不脫生老病死憂悲苦惱誑惑迷

亂大慧釋提桓因廣解眾論自造聲論彼世論者有一弟子持龍形像詣釋天宮建立論宗要壞帝釋千輻之輪隨我不如斯一一頭以謝所屈作是要已即以釋法摧伏帝釋釋墮賈處即壞其輪還來人間如是大慧世間言論因辟莊嚴乃至畜生亦能以種種句味惑彼諸天及阿修羅者生滅見而況於人是故大慧世間言論應當遠離以能招致苦生因故慎勿習近大慧世論者惟說身覺境界而已大慧彼世論者乃有百千但於後時後五十年當破壞結集惡覺因見威故惡弟子受如是大慧世論破壞結集種種句味因辟莊嚴說外道事者自因緣元有自通大慧彼諸外道無自通論於餘世論廣說無量百千事門無有自通亦不自知愚癡世論余時大慧自佛言世尊若外道世論種種句味因辟莊嚴無有自通自事計者者世尊亦說世論為種種異方諸來會眾天人阿修羅廣說元量種種句味亦非自通耶亦入一切外道

楞伽阿跋多羅經卷第三 第三十五

智慧言說數耶佛告大慧我不說世論亦無來去惟說不來不去大慧來者趣聚會生去者散壞不來不去者是不生不滅我所說不墮世論妄想數中所以者何謂不計者外性非性自心現處二邊妄想所不能轉相境非性覺自心現則自心現妄想不生妄想不生者空無相无作入三脫門名為解脫大慧我念一時於一處住有世論婆羅門來詣我所不請空閑便問我言瞿曇一切所作耶我時答言婆羅門一切所作是初世論彼復問言一切非所作耶我復報言一切非所作是第二世論彼復問言一切常耶一切无常耶一切生耶一切不生耶我時報言是六世論大慧彼復問我言一切一耶一切異耶一切俱耶一切不俱耶一切因種種受生現耶我時報言是十一世論大慧彼復問言一切無記耶一切有記耶有我耶無我耶有此世耶無此世耶有他世耶無他世耶有解脫耶无解脫耶一切剎那耶一切不剎那耶虛空耶非

楞伽阿跋多羅經卷第三 第三十五

數滅耶涅槃耶瞿曇作耶非作耶有中陰耶無中陰耶大慧我時報言婆羅門如是說者悉是世論非我所說是汝世論我唯說无始虛偽妄想習氣種種諸惡三有之因不能覺知自心現量而生妄想攀緣外性如外道法我諸相義三合智生我不如是婆羅門我不說因不說无因惟說妄想攝所攝性施設緣起非汝所及餘墮受我相續者所能覺知大慧涅槃虛空滅非有三種但數有三耳復次大慧余時世論婆羅門復問我言癡愛業因故有三有耶為無因耶我時報言此二者亦是世論耳彼復問言一切性皆入自共相耶我復報言此亦世論婆羅門乃至意流妄計外塵皆是世論復次大慧余時世論婆羅門復問我言頗有非世論者不我是一切外道之宗說種種句味因緣譬喻莊嚴我復報言婆羅門有非汝有者非為非宗非說非不說種種句味非不因譬莊嚴婆羅門言何等為非世論非非

楞伽阿跋多羅經卷第三 第三十五

宗非非說我時報言婆羅門有非世論汝諸外道所不能知以於外性不實妄想虛偽計著故謂妄想不生覺了有無自心現量妄想不生不受外塵妄想永息是名非世論此是我法非汝有也婆羅門略說彼識若來若去若死若生若樂若苦若溺若見若觸若著種種相若和合相續若受若因計著婆羅門如是等比皆是汝等世論非是我有大慧世論婆羅門作如是問我如是答彼即默然不辭而退思自通廣作是念言沙門擇子出於通外說无生無相無因覺自妄想現妄想不生大慧此即是汝向所問我何故說習近世論種種辯說攝受貪欲不攝受法大慧自佛言世尊攝受貪欲及法有何句義佛告大慧善哉善哉汝乃能為未來衆生思惟諸問如是句義諦聽諦聽善思念之當為汝說大慧自佛言唯然受教佛告大慧所謂貪者若取若捨若觸若味繫著外塵墮二邊見復生苦陰生老病死憂悲苦惱

如是諸愚皆從受起斯由習近世論
及世論者我及諸佛說名為貪是名
攝受貪欲不攝受法大慧云何攝受
法謂善覺知自心現量見人無我及
法無我相妄想不生善知上下地離
心意意識一切諸佛智慧灌頂具足
攝受十無盡句於一切法無開發自
在是名為法所謂不墮一切見一切
虛偽一切妄想一切性一切二邊大
慧多有外道癡人墮於二邊若常若
斷非離慧者受元因論則起常見外
因緣因緣非性則起斷見大慧我下
見生住滅故說名為法大慧是名貪
欲及法汝及餘菩薩摩訶薩應當修
學今時世尊欲重宣此義而說偈言
一切世間論外道虛妄說妄見作所作
彼則元自宗惟我一自宗離於作所作
為諸弟子說遠離諸世論心量不可見
不觀察二心攝所攝非性斷常二俱離
乃至心流轉是則為世論妄想不轉者
是人見自心來者謂事生去者事不現
明了知去來妄想不復生有常及元常
所作無所作此世他世等斯皆世論通

爾時大慧菩薩復白佛言世尊所言
涅槃者為何等法名為涅槃而諸外
道各起妄想佛告大慧諦聽諦聽善
思念之當為汝說如諸外道妄想涅
槃非彼妄想隨順涅槃大慧白佛言
唯然受教佛告大慧或有外道陰界
入滅境界離欲見法元常心心法品
不生不念去來現在境界諸受陰盡
如燈火滅如種子壞妄想不生斯等
於此作涅槃想大慧非以見壞名為
涅槃大慧或以從方至方名為解脫
境界想滅猶如風止或復以覺所覺
見壞名為解脫或見常元常作解脫
想或見種種相想招致苦生因思惟
是已不善覺知自心現量怖畏於相
而見无相深生受樂作涅槃想或有
覺知內外諸法自相共相去來現在
有性不壞作涅槃想或謂我人衆生
壽命一切法壞作涅槃想或以外道
愚燒智慧見自性及士夫彼二有間
士夫所出名為自性如冥初比求郵
轉變求郵是作者作涅槃想或謂福
非福盡或謂諸煩惱盡或謂智慧或

見自在是真實作生死者作涅槃想
或謂展轉相生生死更元餘因如是
即是計著因而彼愚癡不能覺知不
知故作涅槃想或有外道言得真諦
道作涅槃想或見功德功德所起和
合一異俱不俱作涅槃想或見自性
所起孔雀文彩種種雜寶及利刺等
性見已作涅槃想大慧或有覺二十
五真實或王守護國受六德論作涅
槃想或見時是作者時節世間如是
覺者作涅槃想或謂性或謂非性或
謂知性非性或見有覺與涅槃差別
作涅槃想有如是比種種妄想外道
所說不成所成智者所棄大慧如是
一切悉墮二邊作涅槃想如是等外
道涅槃妄想彼中都无若生若滅大
慧彼一一外道涅槃彼等自論智慧
觀察都无所立如彼妄想心意未去
漂馳流動一切無有得涅槃者大慧
如我所說涅槃者謂善覺知自心現
量量有二種一現見二比知三勝四先勝相作於外通於口度量意皆不成也性離於四句見如實處不隨自心現
妄想二邊攝所攝不可得一切度量

楞伽阿跋多羅寶經卷第三 第三張
不見所成愚於真實不應攝受棄捨
彼已得自覺聖法知二元我離二煩
惱淨除二障永離二死上上地如來
地如夢幻等諸深三昧離心意意識
說名涅槃大慧汝等及餘菩薩摩
訶薩應當修學當疾遠離一切外道
諸涅槃見今時世尊欲重宣此義而
說偈言

外道涅槃見 各各起妄想 斯從心想生
無解脫方便 愚於縛縛者 遠離善方便
外道解脫想 解脫終不生 來智各異趣
外道所見道 彼意無解脫 愚癡妄想故
一切癡外道 妄見作所作 有元有品論
彼意無解脫 凡愚癡妄想 不聞真實慧
言語三苦本 真實滅苦因 譬如鏡中像
雖現而非有 於妄想心鏡 愚夫見有二
不識心及緣 則起二妄想 了心及境界
妄想則不生 心者即種種 遠離相所相
事現而元現 如彼愚妄想 三有惟妄想
外義悉無有 妄想種種現 凡愚不能了
經說說妄想 終不出於名 若難於言語
亦元有所說

楞伽阿跋多羅寶經卷第三
癸卯歲高麗國大藏都監奉
勅彫造

楞伽阿跋多羅寶經卷第四 此

宋天竺三藏求那跋陀羅譯

一切佛語心品之四

今時大慧菩薩白佛言世尊唯願為
說三藐三佛陀我及餘菩薩摩訶薩
善於如來自性自覺覺他佛告大慧
恣所欲問我當為汝隨所問說大慧
白佛言世尊如來應供等正覺為作
耶為不作耶為事耶為因耶為相耶
為所相耶為說耶為所說耶為覺耶
為所覺耶如是等譬句為異為不異
佛告大慧如來應供等正覺於如是
等譬句非事非因所以者何俱有過
故大慧若如來是事者或作或無常
無常故一切事應是如來我及諸佛
皆所不欲若非所作者无所得故方
便則空同於兔角般大之子以無所
有故大慧若無事無因者則非有非
無若非有非無則出於四句四句者
是世間言說若出四句者則不墮四
句不墮故智者所取一切如來句義
亦如是慧者當知如我所說一切法

無我當知此義無我性是無我一切法有自性無他性如牛馬大慧譬如非牛馬性馬牛性其實非有非無彼非無自相如是大慧一切諸法非無自相有自相但非無我愚夫之所能知以妄想故如是一切法空無生無自性當如是知如是如來與陰非異非不異若不異陰者應是元常若異者方便則空若二者應有異如牛角相似故不異長短老別故有異一切法亦如是大慧如牛右角異左角左角異右角如是長短種種色各各異大慧如來於陰界入非異非不異如是如來解脫非異非不異如是如來以解脫名說若如來異解脫者應色相成色相成故應無常若不異者修行者得相應無分別而修行者見分別是故非異非不異如是智及余炎非異非不異大慧智及余炎非異非不異者非常非元常非作非所作非有為非無為非覺非所覺非相非所相非陰非異陰非說非所說非一非異非俱非不俱非一非異非俱非不俱

故志離一切量見問覺識離一切量則無言說無言說則無生無生則無滅無滅則寂滅寂滅則自性涅槃自性涅槃則無事无因無事无因則無攀緣無攀緣則出過一切虛偽出過一切虛偽則是如來如來則是三藐三佛陀大慧是名三藐三佛陀佛陀者離一切根量

今時世尊欲重宣此義而說偈言
 悉離諸根量無事亦無因已離覺所覺亦離相所相陰緣等正覺一具莫能見若元有見者云何而分別非作非不作非事亦非因非陰不在陰亦非有餘難亦非有諸性如彼妄想見當知亦非元此法法自余以有故有無以無故有有若無不應受若有不應想或於我非我言說量言達沉溺於二邊自壞壞世間解脫一切過正觀察我道是名為正觀不毀大導師

今時大慧菩薩復白佛言世尊如世尊說修多羅攝受不生不滅又世尊說不生不滅是如來異名云何世尊為無性故說不生不滅為是如來異

名佛告大慧我說一切法不生不滅有無品不現大慧白佛言世尊若一切法不生者則攝受法不可得一切法不生故若名字中有法者惟願為說佛告大慧善哉善哉諦聽善思念之吾當為汝分別解說大慧白佛言唯然受教佛告大慧我說如來非無性亦非不生不滅攝一切法亦不待緣故不生不滅亦非無義大慧我說意生法身如來名号彼不生者一切外道聲聞緣覺七住菩薩非其境界大慧彼不生即如來異名大慧譬如因陀羅釋迦不蘭陀羅如是等諸物二各有多名亦非多名而有多性亦非無自性如是大慧我於此婆呵世界世間有三阿僧祇百千名号愚夫志聞各說我名而不解我如來異名大慧或有衆生知我如來者有知一切智者有知佛者有知救世者有知自覺者有知導師者有知廣導者有知一切導者有知仙人者有知梵者有知毗紐者有知自在者有知勝者有知迦毗羅者有知真寶邊者有知

楞伽阿跋多羅經卷第四 第七段 此

寫

月者有知日者有知生者有知無生者有知無滅者有知空者有知如如者有知諦者有知實際者有知法性者有知涅槃者有知常者有知平等者有知不二者有知無相者有知解脫者有知道者有知意生者大慧如是等三阿僧祇百千名号不增不減此及餘世界皆悉知我如水月中不出不入彼諸愚夫不能知我墮二邊故然悉恭敬供養於我而不善解知辭句義趣不分別名不解自通計者種種言說章句於不生不滅作無性想不知如來名号差別如因陀羅釋迦不蘭陀羅不解自通會歸終極於一切法隨說計著大慧彼諸癡人作如是言義如言說義說無異所以者何謂義無身故言說之外更無餘義惟止言說大慧彼惡燒智不知言說自性不知言說生滅義不生滅大慧一切言說墮於文字義則不墮離性非性故無受生亦無身故大慧如來不說墮文字法文字有無不可得故除不墮文字大慧若有說言如來說墮文

楞伽阿跋多羅經卷第四 第七段 此

字法者此則妄說法離文字故是大慧我等諸佛及諸菩薩不說一字不答一字所以者何法離文字故非不饒益義說言說者衆生妄想故大慧若不說一切法者教法則壞教法壞者則無諸佛菩薩緣覺聲聞若元者誰說為誰是故大慧菩薩摩訶薩莫著言說隨宜方便廣說經法以衆生怖望煩惱不一故我及諸佛為彼種種異解衆生而說諸法令離心意意識故不為得自覺聖智處大慧於一切法無所有覺自心現量離二妄想諸菩薩摩訶薩依於義不依文字若善男子善女人依文字者自壞第一義亦不能覺他墮惡見相續而為衆說不善了知一切法一切地一切相亦不知章句若善一切法一切地一切相通達章句具足性義彼則能以正無相樂而自娛樂平等大乘建立衆生大慧攝受大乘者則攝受諸佛菩薩緣覺聲聞攝受諸佛菩薩緣覺聲聞者則攝受一切衆生攝受一切衆生者則攝受正法攝受正法者則佛

楞伽阿跋多羅經卷第四 第七段 此

寫

種不斷佛種不斷者則能了知得殊勝入處知得殊勝入處菩薩摩訶薩常得化生建立大乘十自在力現衆色像通達衆生形類怖望煩惱諸相如實說法如實者不異如實者不來不去相一切虛偽息是名如實大慧善男子善女人不應攝受隨說計者真實者離名字故大慧如為愚夫以指指物愚夫觀指不得實義如是愚夫隨言說指攝受計著至竟不捨終不能得離言說指第一實義大慧譬如嬰兒應食熟食不應食生若食生者則令發狂不知次第方便熟故大慧如是不生不滅不方便修則為不善是故應當善修方便莫隨言說如視指端是故大慧於真實義當方便修真實義者微妙寂靜是涅槃因言說者妄想合妄想者集生死大慧實義者從多聞者得大慧多聞者謂善於義非善言說善義者不隨一切外道經論身自不隨亦不令他隨是則名曰大德多聞是故欲求義者當親近多聞所謂善義者當親近多聞所謂

善義與此相違計者言說應當遠離
 今時大慈菩薩復承佛威神而白佛
 言世尊世尊顯示不生不滅無有奇
 特所以者何一切外道因亦不生不
 滅世尊亦說虛空非數緣滅及涅槃
 界不生不滅世尊外道說因生諸世
 間世尊亦說無明愛業妄想為緣生
 諸世間彼因此緣名老別耳外物因
 緣亦如是如是世尊與外道論无有老
 別微塵勝妙自在衆生主等如是九物
 不生不滅世尊亦說一切性不生不
 滅有无不可得外道亦說四大不壞
 自性不生不滅四大常是四大乃至
 周流諸趣不捨自性世尊所說亦復
 如是是故我言無有奇特惟願世尊
 為說老別所以奇特勝諸外道若無
 老別者一切外道皆是佛以不生
 不滅故而世尊說一世界中多佛出
 世者無有是處如向所說一世界中
 應有多佛无老別故佛告大慈我說
 不生不滅不同外道不生不滅所以
 者何彼諸外道有性自性得不生不
 變相我不如是墮有元品大慈我者

離有無品離生滅非性非無性如種
 種幻夢現故非無性云何無性謂色
 無自性相攝受現不現故攝不攝故
 以是故一切性無性非無性但覺自
 心現量妄想不生安隱快樂世事永
 息愚癡凡夫妄想作事非諸賢聖不
 實妄想如捷闍婆城及幻化人大慈
 如捷闍婆城及幻化人種種衆生商
 賈出入愚夫妄想謂真出入而實無
 有出者入者但彼妄想故如是太慈
 愚癡凡夫起不生不滅彼亦無有有
 為無為如幻人生其實无有若生若
 滅性無性無所有故一切法亦如是
 離於生滅愚癡凡夫墮不如實起生
 滅妄想非諸賢聖不如實者不尔如
 性自性妄想亦不異若異妄想者計
 著一切性自性不見寂靜不見寂靜
 者終不離妄想是故大慈无相見勝
 非相見相者受生因故不勝大慈無
 相者妄想不生不起不滅我說涅槃
 大慈涅槃者如真實義見離先妄想
 心心數法逮得如來自覺聖智我說
 是涅槃今時世尊欲重宣此義而說

偈言
 滅除彼生論建立不生義我說如是法
 愚夫不能知一切法不生無性無所有
 乳闍婆幻夢有性者無因無生無自性
 何因空當說以離於和合覺知性不現
 是故空不生我說無自性謂一一和合
 性現而非有分指無和合非如外道見
 夢幻及垂墜野馬乳闍婆世間種種事
 無因而相現折伏有因論申暢無生義
 申暢無生者法流永不斷熾然無因論
 恐怖諸外道云何何所因彼以何故生
 於何處和合而作無因論觀察有為法
 非無因有因彼生滅論者所見從是滅
 云何為無生為是無性耶為願視諸緣
 有法名無生名不應無義惟為分別說
 非無性無生亦非願諸緣非有性而名
 名亦非无義一切諸外道聲聞及緣覺
 七住非境界是名無生相遠離諸因緣
 亦離一切事惟有微心住想所想俱離
 其身隨轉變我說是無生無外性無性
 亦無心攝受斷除一切見我說是無生
 如是無自性空等應分別非空故說空
 無生故說空因緣數和合則有生有滅

難諸因緣數無別有生成捨離因緣數

抄阿毘達磨集第四 第十卷 此

更無有異性若言一異者是外道妄想
有無性不生非有亦非無除其數轉變
是悉不可得但有諸俗數展轉為鈎錄
離彼因緣錄生義不可得生無性不起
離諸外道過但說緣鈎錄凡愚不能了
若離緣鈎錄別有生性者是則無因論
破壞鈎錄義如燈顯眾像鈎錄現若然
是則離鈎錄別更有諸性無性無有生
如虛空自性若離於鈎錄慧无所分別
復有餘無生賢聖所得法彼无生者
是則無生忍若使諸世間觀察鈎錄者
一切離鈎錄徒是得三昧癡愛諸業等
是則內鈎錄攢礙泥團輪種子等名外
若使有他性而從因緣生彼非鈎錄義
是則不成就若生無自性彼為誰鈎錄
展轉相生故當知因緣義使生有他性
而從因緣生彼非鈎錄義是則不成就
堅濕煖動法凡愚生妄想難數無異法
是則說無性如醫療眾病无有若干論
以病差別故為設種種治我為彼眾生
破壞諸煩惱知其根優秀為彼說度門
非煩惱根異而有種種法唯說一乘法

是則為大乘

抄阿毘達磨集第四 第十卷 此

尔時大慈菩薩摩訶薩復白佛言世
尊一切外道皆起無常妄想世尊亦
說一切行無常是生滅法此義云何
為邪為正為有幾種無常佛告大慈
一切外道有七種無常非我法也何
等為七彼有說言作已而捨是名無
常有說形處壞是名無常有說即色
是無常有說色轉變中間是名無常
無間自之散壞如乳酪等轉變中間
不可見無常毀壞一切性轉有說性
無常有說性無性无常有說一切法
不生無常入一切法大慧性無性无
常者謂四大及所造自托壞四大自性
不可得不生彼不生無常者非常无
常一切法有無不生分指乃至微塵
不可見是不生義非生是名不生無
常相若不覺此者墮一切外道生無
常義大慧性無常者是自心妄想非
常無常性所以者何謂无常自性不
壞大慧此是一切性無性無常事除
無常無有能令一切法性無性者如
杖瓦石破壞諸物現見各各不異是

性無常事非作所作有差別此是無

抄阿毘達磨集第四 第十卷 此

常此是事作所作无異者一切性常
無因性大慧一切性無性有因非凡
愚所知非因不相似事生若生者一
切性悉皆無常是不相似事作所作
無有別異而悉見有異若性無常者
墮作因性相若墮者一切性不究竟
一切性作因相墮者自無常應无常
無常無常故一切性不無常應是常
若無常入一切性者應墮三世彼過
去色與壞俱未來不生色不生故現
在色與壞相俱色者四大積集差別
四大及造色自性不壞離異不異故
一切外道一切四大不壞一切三有
四大及造色在所知有生滅離四大
造色一切外道於何所思惟无常四
大不生自性相不壞故離始造無常
者非四大復有異四大各各異相自
相故非差別可得彼无差別斯等不
更造二方便不作當知是無常彼亦
處壞無常者謂四大及造色不壞至
竟不壞大慧竟者分指乃至微塵觀
察壞四大及造色形處異見長短不

可得非四大四大不壞形處壞現墮
 在數論色即无常者謂色即是无常
 彼則形處無常非四大若四大無常
 者非俗數言說世俗言說非性者則
 墮世論見一切性但有言說不見自
 相生轉變無常者謂色異性現非四
 大如金作莊嚴具轉變現非金性壞
 但在嚴具處所壞如是餘性轉變等
 亦如是如是等種種外道無常見妄
 想火燒四大時自相不燒各各自相
 相壞者四大連色應斷大慧我法起
 非常非無常所以者何謂外性不決
 定故惟說三有微心不說種種相有
 生有滅四大合會差別四大及造色
 故妄想二種事攝所攝知二種妄想
 離外性無性二種見覺自心現量妄
 想者思想作行生非不作行離心性
 無性妄想世間出世間上上一切法
 非常非無常不覺自心現量墮二邊
 惡見相續一切外道不覺自妄想此
 凡夫無有根本謂世間出世間上上法
 從說妄想生非凡愚所覺今時世尊
 欲重宣此義而說偈言

遠離於始造及真形處異性與色無常
 外道愚妄想諸性無有壞大大自性位
 外道無常想沒在種種見彼諸外道等
 無若生若滅大大性自常何謂無常想
 一切唯心量二種心流轉攝受及所攝
 無有我我所梵天為樹根枝條普周遍
 如是我所說惟是彼心量

今時大慧菩薩復白佛言世尊惟願
 為說一切菩薩聲聞緣覺滅正受次
 第相續若善於滅正受次第相續相
 者我及餘菩薩終不妄捨滅正受樂
 門不墮一切聲聞緣覺外道愚癡佛
 告大慧諦聽諦聽善思念之當為汝
 說大慧白佛言世尊惟願為說佛告
 大慧六地起菩薩摩訶薩及聲聞緣
 覺入滅正受第七地菩薩摩訶薩念
 念正受離一切性自性相正受非聲
 聞緣覺諸聲聞緣覺隨有行攝所攝
 相滅正受是故七地非念正受得一
 切法無差別相非分得種種相性覺
 一切法善不善性相正受是故七地
 無善念正受大慧八地菩薩及聲聞
 緣覺心意意識妄想相滅初地乃至

七地菩薩摩訶薩觀三界心意意識
 量離我我所自妄想修離外性種種
 相愚夫二種自心攝所攝向無知不
 覺無始過惡虛偽習氣所薰大慧八
 地菩薩摩訶薩聲聞緣覺涅槃菩薩
 者三昧覺所持是故三昧門樂不般
 涅槃若不持者如來地不滿足棄捨
 一切為衆生事佛種種則斷諸佛世尊
 為示如來不可思議無量功德聲聞
 緣覺三昧門得樂所牽故作涅槃想
 大慧我分部七地善修心意意識相
 善修我我所攝受人法無我生滅自
 共相善四無尋決定力三昧門地次
 第相續入道品法不令菩薩摩訶薩
 不覺自共相不善七地墮外道邪徑故
 立地次第大慧彼實元有若生若滅
 除自心現量所謂地次第相續及三
 界種種行愚夫所不覺為夫所不覺
 者謂我及諸佛說地次第相續及說
 三界種種行復次大慧聲聞緣覺第
 八菩薩地滅三昧樂門醉所醉不善
 自心現量自共相習氣所障墮人法
 無我法攝受見妄想涅槃想非寂滅

楞伽阿跋多羅經卷第四 第十六跋 此

智慧覺大慧菩薩者見滅三昧門樂
本願哀愍大悲成就知分別十無盡
句不妄想涅槃想彼已涅槃妄想不
生故離攝所攝妄想覺了自心現量
一切諸法妄想不生不墮心意意識
外性自性相計著妄想非佛法因不
生隨智慧生得如來自覺地如人夢
中方便度水未度而覺已思惟為
正為邪非正非邪餘無始見聞覺識
因想種種習氣種種形處墮有妄想
心意意識夢現大慧如是菩薩摩訶
薩於第八菩薩地見妄想生從初地
轉進至第七地見一切法如幻等方
便度攝所攝心妄想行已作佛法方
便未得者令得大慧此是菩薩涅槃
方便不懷離心意意識得无生法忍
大慧於第一義無次第相續說無所
有妄想寂滅法今時世尊欲重宣此
義而說偈言

楞伽阿跋多羅經卷第四 第十六跋 此

照曜如威火 光明悉遍至熾炎不壞目
周輪化三有 化現在三有 或有先時化
於彼演說乘 皆是如來地 十地則為初
初則為八地 第九則為七 七亦復為八
第二為第三 第四為第五 第三為第六
無所有何次

尔時大慧菩薩復白佛言世尊如來
應供等正覺為常無常佛告大慧如
來應供等正覺非常非無常謂二俱
有過常者有作主過常者一切外道
說作者無所作是故如來常非常非
作常有過故若如來無常者有作无
常過陰所相相無性陰壞則應斷而
如來不斷大慧一切所作皆无常如
瓶衣等一切皆無常過一切智果具
方便應無義以所作故一切所作皆
應是如來無差別因性故是故大慧
如來非常非無常復次大慧如來非
如虛空常如虛空常者自覺聖智衆
具無義過大慧譬如虛空非常非无
常離常無常一異俱不俱常無常過
故不可說是故如來非常復次大慧
若如不無生常者如兔馬等角以無

楞伽阿跋多羅經卷第四 第十六跋 此

生常故方便無義以無生常過故
如來非常復次大慧更有餘事知如
來常所以者何謂無聞所得智常故
如來常大慧若如來出世若不出世
法畢定住聲聞緣覺諸佛如來無間
住不住虛空亦非愚夫之所覺知大
慧如來所得智是般若所熏大慧如
來非心意意識彼諸陰界入處所熏
大慧一切三有皆是不實妄想所生
如來不從不實虛妄想生大慧以二
法故有常無常非不二二者寂靜
一切法無二生相故是故如來應供
等正覺非常非无常常乃至言說
分別生則有常無常過分別覺滅者
則離愚夫常無常見寂靜慧者永
離常無常非常无常熏尔時世尊欲
重宣此義而說偈言

衆具無義者 生常無常過 若无分別覺
永離常無常 從其所立宗 則有衆雜義
等觀自心量 言說不可得

尔時大慧菩薩復白佛言世尊惟願
世尊更為我說陰界入生滅彼無有
我誰生誰滅愚夫者住於生滅不覺

楞伽阿跋多羅寶經 卷第四 第十一段

苦盡不識涅槃佛言善哉諦聽當為汝說大慧自佛言唯然受教佛告大慧如來之藏是善不善因能遍興造一切趣生僻如伎兒變現諸趣離我我所不覺彼故三緣和合方便而生外道不覺計著作者為无始虛偽惡習所薰名為識藏生無明住地與七識俱如海浪身常生不斷離无常過離於我論自性無垢畢竟清淨其諸餘識有生有滅意識等念念有去因不實妄想取諸境界種種形處計著名相不覺自心所現色相不覺苦樂不至解脫名相諸經貪生貪食若因若攀緣彼諸受根滅次第不生除自心妄想不知苦樂入滅受想正受第四禪善真諦解脫修行者作解脫想不離不轉名如來藏識藏七識流轉不滅所以者何彼因攀緣諸識生故非聲聞緣覺修行境界不覺无我自共相攝受生陰界入見如來藏五法自性人法無我則滅地次第相續轉進餘外道見不能傾動是名住菩薩不動地得十三昧道門樂三昧覺

楞伽阿跋多羅寶經 卷第四 第十二段

所持觀察不思議佛法自願不受三昧門樂及實際向自覺聖趣不共一切聲聞緣覺及諸外道所修行道得十賢聖種性道及身智意生離三昧行是故大慧菩薩摩訶薩欲求勝進者當淨如來藏及藏識名大慧若無識藏名如來藏者則無生滅大慧然諸凡聖悉有生滅修行者自覺聖趣現法樂住不捨方便大慧此如來藏識藏一切聲聞緣覺心想所見雖自性淨客塵所覆故猶見不淨非諸如來大慧如來者現前境界猶如掌中視阿摩勒果大慧我於此義以神力建立令勝鬘夫人及利智滿足諸菩薩等宣揚演說如來藏及識藏名與七識俱生聲聞計著見人法無我故勝鬘夫人承佛威神說如來境界非聲聞緣覺及外道境界如來藏識藏唯佛及餘利智修義菩薩智慧境界是故汝及餘菩薩摩訶薩於如來藏識藏當勤修學矣但聞覺作知足想介時世尊欲重宣此義而說偈言
甚深如來藏 而與七識俱 二種攝受生

楞伽阿跋多羅寶經 卷第四 第十三段

智若則遠離 如鏡像現心 無始習所薰 如實觀察者 諸事悉无事 如愚見指月 觀指不觀月 計著名字者 不見我真實 心為二伎兒 意如和伎者 五識為伴侶 妄想觀彼象
尔時大慧菩薩白佛言世尊惟願為說五法自性識二種無我究竟分別相我及餘菩薩摩訶薩於一切地次第相續分別此法入一切佛法入一切佛法者乃至如來自覺地佛告大慧諦聽諦聽善思念之大慧自佛唯然受教佛告大慧五法自性識二無我分別趣相者謂名相妄想正智如如若修行者修行入如來自覺聖趣離於斯常有無等見現法樂正受任現在前大慧不覺彼五法自性識二無我自心現外性凡夫妄想非諸賢聖大慧自佛言世尊云何愚夫妄想生非諸賢聖佛告大慧愚夫計著俗數名相隨心流散流散已種種相像貌墮我我所見怖望計著妙色計著已無知覆障生染著染著已貪恣所生業積集積集已妄想自纏如登作

釋迦牟尼佛說

聖墮生死海諸趣曠野如汲井輪以愚癡故不能知如幻野馬水月自性離我我所起於一切不實妄想離相所相及生住滅從自心妄想生非自在時節微塵勝妙生愚癡凡夫隨名相流大慧彼相者眼識所照名為色耳鼻舌身意識所照名為聲香味觸法是名為相大慧彼妄想者施設衆名顯示諸相如此不異爲馬車步男女等名是名妄想大慧正智者彼名相不可得猶如過客諸識不生不斷不常不墮一切外道聲聞緣覺之地復次大慧菩薩摩訶薩以此正智不立名相非不立名相捨離二見建立及誹謗知名相不生是名如大慧菩薩摩訶薩住如如者得无所有境界故得菩薩歡喜地得菩薩歡喜地已永離一切外道惡趣正住出世間趣法相成熟分別幻等一切法自覺法趣相離諸妄見恠異相次第乃至法雲地於其中間三昧力自在神通開敷得如來地已種種變化圓照示現成熟衆生如水中月善究竟滿足

釋迦牟尼佛說

十無盡句爲種種意解衆生分別說法法身離意所作是名菩薩入如如所得
爾時大慧菩薩自佛言世尊云何世尊爲三種自性入於五法爲各有自相宗佛告大慧三種自性及八識二種無我志入五法大慧彼名及相是妄想自性大慧若依彼妄想生心心法名俱時生如日光俱種種相各別分別持是名緣起自性大慧正智如如者不可壞故名成自性復次大慧自心現妄想八種分別謂識藏意意識及五識身相者不實相妄想故我我所二攝受滅二無我生是故大慧此五法者聲聞緣覺菩薩如來自覺聖智諸地相續次第一切佛法悉入其中復次大慧五法者相名妄想如如正智大慧相者若處所形相色像等現是名為相若彼有如是相名為瓶等即此非餘是說爲名施設衆名顯示諸相瓶等心法法是名妄想彼名彼相畢竟不可得始終無覺於諸法無展轉離不實妄想是名如如真

釋迦牟尼佛說

實決定究竟自性不可得彼是如相我及諸佛隨順入廣普爲衆生如寶演說施設顯示於彼隨入正覺不斷不常妄想不起隨順自覺聖趣一切外道聲聞緣覺所不得相是名正智大慧是名五法三種自性八識二種無我一切佛法悉入其中是故大慧當自方便學亦教他人勿隨於他尔時世尊欲重宣此義而說偈言
五法三自性及與八種識二種無有我
悉攝摩訶衍名相虛妄想自性二種相
正智及如如是則爲成相
尔時大慧菩薩復自佛言世尊如世尊所說句過去諸佛如恒河沙未來現在亦復如是云何世尊爲如說而受爲更有餘義惟願如來哀愍解說
佛告大慧莫如說而受三世諸佛量非如恒河沙所以者何過世間豈非辟所辟以凡愚計常外道妄想長養惡見生死無窮欲令厭離生死趣轉精勤勝進故爲彼說言諸佛易見非如優曇鉢華難得見故息方便求有時復觀諸受化者作是說言佛難值遇

如優曇鉢華優曇鉢華元已見今見
 當見如來者世間悉見不以建立自
 通故說言如來出世如優曇鉢華大
 慧自建立自通者過世間望彼諸凡
 愚所不能信自覺聖智境界無以為
 譬真實如來過心意意識所見之相
 不可為譬大慧然我說譬佛如恒沙
 無有過咎大慧譬如恒沙一切魚鼈
 輪牧魔羅師子象馬人獸踐踏沙不
 念言彼惱亂我而生妄想自性清淨
 無諸垢汙如來應供等正覺自覺聖
 智恒河大力神通自在等沙一切外
 道諸人獸等一切惱亂如來不念而
 生妄想如來寂然無有念想如來本
 願以三昧樂安衆生故无有惱亂猶
 如恒沙等無有異又斷貪恚故譬如
 恒沙是地自性劫盡燒時燒一切地
 而彼地大不捨自性與火大俱生故
 其餘愚夫作地燒想而地不燒以火
 因故如是大慧如來法身如恒沙不
 壞大慧譬如恒沙無有限量如來光
 明亦復如是無有限量為成熟衆生
 故普照一切諸佛大衆大慧譬如恒

沙別求異沙永不可得如是大慧如
 來應供等正覺無生死生滅有因緣
 斷故大慧譬如恒河沙增減不可得知
 如是大慧如來智慧慧成熟衆生不增
 不減非身法故身法者有壞如來法
 身非是身法如堅恒沙油不可得如
 是一切極苦衆生逼迫如來乃至衆
 生未得涅槃不捨法界自三昧願樂
 以大悲故大慧譬如恒沙隨水而流非
 無水也如是大慧如來所說一切諸
 法隨涅槃流是故說言如恒河沙如
 來不隨諸去沤轉去是壞義故大慧
 生死本際不可不知故云何說去
 大慧去者斷義而愚夫不知大慧曰
 佛言世尊若衆生生死本際不可知者
 云何解脫可知佛告大慧无始虛偽
 過惡妄想習氣因滅自心現知外義
 妄想身轉解脫不滅是故无邊非都
 無所有為彼妄想作无邊等異名觀
 察内外離於妄想無異衆生智及今
 矣一切諸法悉皆寂靜不識自心現
 妄想故妄想生若識則滅今時世尊
 欲重宣此義而說偈言

觀察諸導師猶如恒河沙不壞亦不去
 亦復不究竟是則為平等觀察諸如來
 猶如恒沙等悲離一切過隨流而性常
 是則佛正覺
 今時大慧菩薩復白佛言惟願為說
 一切諸法剎那壞相世尊云何一切
 注剎那佛告大慧諦聽諦聽善思念
 之當為汝說佛告大慧一切法者謂
 善不善无記有為無為世間出世間
 有罪無罪有漏無漏受不受大慧略
 說心意意識及習氣是五受陰因是
 心意意識習氣長養凡愚善不善妄
 想大慧修三昧樂三昧正受現法樂
 住名為賢聖善無漏大慧善不善者
 謂八識何等為八謂如來藏名識藏
 心意意識及五識身非外道所說大
 慧五識身者心意意識俱善不善相
 展轉變壞相續沤注不壞身生亦生
 亦滅不覺自心現次第滅餘識生形相
 差別攝受意識五識俱相應生剎那時
 不住名為剎那大慧剎那者名識藏
 如來藏意俱生識習氣剎那元漏習
 氣非剎那非凡愚所覺計著剎那論

增何阿波羅經卷第四 第三十九

故不覺一切法剎那非剎那以斷見壞元為法大慧七識不流轉不受苦樂非涅槃因大慧如來藏者受苦樂與因俱若生若滅四住地無明住地所醉凡愚不覺剎那見妄想熱心復次大慧如金剛佛舍利得奇特性能不損壞大慧若得無聞有剎那者聖應非聖而聖未曾不聖如金剛雖經劫數稱量不減云何凡愚不善於我隱覆之說於內外一切法作剎那想大慧菩薩復白佛言世尊如世尊說六波羅蜜滿足得成正覺何等為六佛告大慧波羅蜜有三種分別謂世間出世間出世間上上大慧世間波羅蜜者我我所攝受計者攝受二邊為種種受生處樂色聲香味觸故滿足檀波羅蜜戒忍精進禪定智慧亦如是凡夫神通及生梵天大慧出世間波羅蜜者聲聞緣覺墮攝受涅槃故行六波羅蜜樂自己涅槃樂出世間上上波羅蜜者覺自心現妄想量攝受及自心二故不生妄想於諸趣攝受非分自心色相不計着為安

增何阿波羅經卷第四 第四十

樂一切衆生故生檀波羅蜜起上方便即於彼緣妄想不生戒是尸波羅蜜即彼妄想不生忍知攝所攝是羼提波羅蜜初中後夜精勤方便隨順修行方便妄想不生是毗梨耶波羅蜜妄想滅不墮聲聞涅槃攝受是掉波羅蜜自心妄想非性智慧觀察不墮二邊先身轉勝而不可壞得自覺聖趣是般若波羅蜜今時世尊欲重宣此義而說偈言

空無常剎那愚夫妄想作如河燈種子而作剎那想剎那息煩亂寂靜離所作一切法不生我說剎那義物生則有滅不為愚者說元間相續性妄想之所動無明為其因心則從彼生乃至色未生中間有何分相續次第滅餘心隨彼生不住於色時何所緣而生以從彼生故不如實因生云何元所成而知剎那壞修行者正受金剛佛舍利光音天宮殿世間不壞事住於正法得如來智具足比丘得平等云何見剎那亂聞婆幻等色元有剎那於不實色等視之若真實今時大慧菩薩復白佛言世尊世尊

增何阿波羅經卷第四 第四十一

記阿羅漢得成阿耨多羅三藐三菩提與諸菩薩等无差別一切衆生法不涅槃誰至佛道從初得佛至般涅槃於其中間不說一字亦無所答如來常定故亦無慮亦無變化佛化作佛事何故說剎那展轉壞相金剛力士常隨侍衛不施設本際現魔魔業惡業果報旃遮摩納孫陀利女空鋒而出惡業障現云何如來得一切種智而不離諸過佛告大慧諦聽諦聽善思念之當為汝說大慧白佛善哉世尊唯然受教佛告大慧為無餘涅槃故說誘進行菩薩行者故此及餘世界修菩薩行者樂聲聞乘涅槃為令離聲聞乘進向大乘化佛授聲聞記非是法佛大慧因是故記諸聲聞與菩薩不異大慧不異者聲聞緣覺諸佛如來煩惱障斷解脫一味非智障斷大慧智障者見法元我殊勝清淨煩惱障者先習見人無我斷七識滅法障解脫識藏習滅究竟清淨因本住法故前後非性無盡本願故如來無慮元察而演說法正智所化

故念不忘故無慮無察四住地無明
住地習氣斷故二煩惱斷離二種死覺
人法無我及二障斷大慧心意意識
眼識等七剎都習氣因離善元漏品
離不復輪轉大慧如來藏者輪轉涅
槃苦樂因空亂意大慧愚癡凡夫所
不能覺大慧金剛力士所隨護者是
化佛耳非真如來大慧真如來者離
一切根量一切凡夫聲聞緣覺及外
道根量悉滅得現法樂住無間法智
忍故非金剛力士所護一切化佛不
從業生化化佛者非佛不離佛因陶
家輪等衆生所作相而說法非自通
處說自覺境界復次大慧愚夫依七
識身滅起新見不覺識藏故起常見
自妄想故不知本際自妄想慧滅故
解脫四住地無明住地習氣斷故一
切過斷尔時世尊欲重宣此義而說
偈言

偈言

三乘亦非乘 如來不磨滅 一切佛所說
說離諸過惡 為諸無間智 及無餘涅
訪進諸下劣 是故隱覆說 諸佛所起智
即分別說道 諸乘非為乘 彼則非涅

欲色有及見 說是四住地 意識之所起
識宅意所住 意及眼識等 斷滅說元常
或作涅隱見 而為說常住

尔時大慧菩薩以偈問言

彼諸菩薩等 志求佛道者 酒肉及與恣
飲食為云何 惟願無上尊 哀愍為演說
愚夫所貪著 臭穢無名稱 虜狼所甘嗜
云何而可食 食者生諸過 不食為福善
惟願為我說 食不食罪福

大慧菩薩說偈問已復白佛言惟願
世尊為我等說食不食肉功德過惡
我及諸菩薩於現在未來當為種種
怖望食肉衆生分別說法令彼衆生
慈心相向得慈心已各於住地清淨
明了疾得究竟無上菩提聲聞緣覺
自地止息已亦復逮成无上菩提惡
邪論法諸外道輩邪見斷常顛倒計
著尚有遮法不聽食肉况復如來世
間救護正法成就而食肉耶

佛告大慧善哉善哉諦聽諦聽善思
念之當為汝說大慧白佛唯然受教
佛告大慧有無量因緣不應食肉然
我今當為汝略說謂一切衆生從本

已來展轉因緣常為六親以親想故
不應食肉驢騾駱駝狗牛馬人獸
等肉屠者雜賣故不應食肉不淨氣
分所生長故不應食肉衆生聞氣恚
生恐怖如旃陀羅及譚婆等狗見憎
惡驚怖羣吠故不應食肉又令修行
者慈心不生故不應食肉月愚所嗜
臭穢不淨元善名稱故不應食肉令
諸呪術不成就故不應食肉以然生
者見形起識深味著故不應食肉彼
食肉者諸天所棄故不應食肉令口
氣臭故不應食肉多惡夢故不應食
肉空閑林中虜狼聞香故不應食肉
令飲食無節量故不應食肉令修行
者不生厭離故不應食肉我常說言
凡所飲食作食子肉想作服藥想故
不應食肉聽食肉者無有是處復次
大慧過去有王名師子蘇陀婆食種
種肉遂至食人目民不堪即便謀反
斷其奉祿以食肉者有如是過故不
應食肉
復次大慧凡諸煞者為財利故然生
屠販彼諸愚癡食肉衆生以錢為網

打氏新經卷第四 第三十五號

而捕諸肉彼然生者若以財物若以鈎網取彼空行水陸衆生種種煞害屠販求利大慧亦無不教不求不想而有魚肉以是義故不應食肉大慧我有時說速五種肉或制十種今於此經一切種一切時開除方便一切悲斷大慧如來應供等正覺尚元所食况食魚肉亦不教人以大悲前行故視一切衆生猶如一子是故不聽令食子肉尔時世尊欲重宣此義而說偈言

曾慈為親屬 鄙穢不淨雜 不淨所生長 開氣慈恐怖 一切肉與慈 及諸雜蒜等 種種放逸酒 修行常遠離 亦常離麻油 及諸穿孔床 以彼諸細至 於中極恐怖 飲食生放逸 放逸生諸覺 從覺生貪欲 是故不應食 由食生貪欲 貪令心迷醉 迷醉長愛欲 生死不解脫 為利繫衆生 以財網諸肉 二俱是惡業 死墮叫呼獄 若無教想求 則無三淨肉 彼非無因有 是故不應食 彼諸修行者 由是悲離遠 十方佛世尊 一切咸呵責 展轉更相食 死墮諸狼類 臭穢可厭惡 所生常愚癡

打氏新經卷第四 第三十六號

多生栴陀羅 鴉師譚婆種 或生陀夷尼 及諸肉食性 羅刹猫狸等 遍於是中生 縛象與大雲 央掘利魔羅 及此楞伽經 我悲制斷肉 諸佛及菩薩 聲聞所呵責 食已無慚愧 生生常癡冥 先說見聞疑 已斷一切肉 妄想不覺知 故生食肉處 如彼貪欲過 障尋聖解脫 酒肉慈蒜蒜 慈為聖道障 未來世衆生 於肉愚癡說 言此淨無罪 佛聽我等食 食如服藥想 亦如食子肉 知足生厭離 修行行乞食 安住慈心者 我說常厭離 諸狼諸惡獸 恒可同遊止 若食諸血肉 衆生悲恐怖 是故修行者 慈心不食肉 食肉無慈悲 永背正解脫 及遠聖表相 是故不應食 得生梵志種 及諸修行處 智慧富貴家 斯由不食肉

楞伽阿跋多羅寶經卷第四

癸卯歲高麗國大藏都監表
勅彫造